

慶湖遺老詩集卷第一



歌行三十九首

叢臺歌

黃樓歌

彭城三詠

右戲馬臺歌

右斬蛇澤歌

右歌風臺詞 漁歌

法南曲

三鳥詠

右提壺引

右竹雞引

右子規行

東華馬上懷寄清涼和公兼簡社中王拙居士

東華在  
歷陽北

廣四愁寄李諫

舟次金陵懷寄歷陽王椽相

王字元胥

贈道士蹇拱辰

艤舟秦淮雪中訪侍其瑞

寄墨代書贈楊時

金陵畱別僧訥

留別道士許自然

贈趙叅軍滂 字沛然工書

留別田晝

字承君元豐初滄陽同官也

調北隣劉生

時將為衡陽之行

荅新生

名馳耆酒

老鶴歎

海陵送王安節赴武康尉

送海陵周太守卻受代還朝

海陵送僧雲還吳興

雲喜作小詩

荅許景亮

字少明喜作詩

贈僧宇

即僑人實了然熙寧末與之遊後遇于長蘆了然已為僧即宇也

九江送章邦傑移家餘杭包家山

字子才熙寧僚友

題溧陽招真亭

亭在大別峯頂郡守吳興劉誼宜翁營

晚出江城聞角

寄溧陽趙尉沔

字道原

送武庠歸隱終南

武字明叔御命已峽還道由江夏過我乞詩為賦此

送鄂州刑獄王懋初

罷官還海陵兼簡金陵和上人

玉鉤環歌

諸王孫士汴澄源以蒼玉環螭鉤見賜助飾野服因以珉玉盤成以箭博山爐建瓌茶五物并此歌為報

南樓歌送武昌慎太守還朝

題黃尚東坡潘氏亦顏齋

慶湖遺老詩集卷第二

古體詩上四十首

故鄆曹操滅袁氏始大築于此元魏孝靜帝遷都于鄆

喜雨

老槐生滄水上夜有吟嘆聲益阜狐所憑也里人以為神築壇祠禱感而賦此

遇鼉椽端智字祖禹滄陽法曹椽

春行

對酒

閑情二首

題巫山畵唐人画

詛蚊

燭蛾

病暑

暑夜

問內

食芡實作卞鄆郡從事錢景德菜父席上賦

烹鷄歎

題華陽公主碑陰按碑公主名季艷魏孝文帝之孫年十四降高歡弟琛

卞鄆郡樓晚望

荅杜仲觀登叢臺見寄

冬夜寓直

送武欽宗之安陽廟諱

寄杜邯鄲

訪周沆郭忱 周字文清郭字天輔皆僚婿也

除夜歎 寄杜仲觀

遊雲龍張氏山居

登黃樓有懷蘇眉山 時公謫居黃崗

秋懷二首 燕子樓

快哉亭 在彭城

飛鴻亭 彭城太守王公命僧題之也與李昭玘楊中立同登賦此

上巳後一日登快哉亭作

讀李益詩 唐詩家字君虞

田園樂 此日足可惜 彭城寇元弼席上賦

部兵之秋丘道中懷寄彭城社友

三月二十日遊南臺

夏夜懷寄陳傳道 陳攝領双溝戍稅局

慶湖遺老詩集卷第三

古體詩中四十首

余屬和馬 夜行鄧縣道中遇雨作

行路難 送寇元弼王文舉之荆山

人生七十稀

和杜仲觀青字詩二首

送李主簿夷行之官河陰四首

擬南梁慧岳法師猷禱衣 擬阮步兵夜中不能寐

擬鮑溶寒霄歎

與吳智夫趙澄之同遊雍丘莫溪分韻得漪字

擬王少伯新興

送陳傳道之官下邳

舟居阻雪懷寄舊好三首

特抱病之官歷陽舟次陳留也

留侯廟下作

丁卯冬阻水陳留抱疾殊困因默為禱歲暮疾平賦此具冠笏拜謁以償宿志也

遊雲壁蘭皋園

集賢張校理治此園以奉觀

題楊子王輅故居清軒

遊金陵雨花臺

与李延永同遊

宿法惠寺

題香社寺平疇湯泉

在歷陽北泉下有灵砂伏其下故飲之或浴者疾多愈因名平疇湯泉

宿寶泉山慧日寺

腰疼山浮圖下作

曉登柏子岡回望金陵懷寄鍾山泉禪師

歷陽十詠

麻湖

按縣譜本城邑漢明帝時一夕淪為湖

鷄籠山

昔城將淪神獨告一姥使西走即携籠鷄登是小籠化為石

濡須塢

按譜孫仲謀築偃月城以拒曹操即此塢也

過湖城

昔石虎南侵晉相王導築此壘以過之

當利港

王濬征吳乘便風趨石頭王渾招之不顧即此地也港通大江

天門山

宋孝武閱水軍于此因建二石關以誇武功

采石磯

東西兩磯相對李太白隱東磯

百福寺

唐張籍之故居也有繪像存焉

桃花塢

即張籍別墅張與孟郊載酒屢遊焉

平疇湯

見前一名沸井

慶湖遺老詩集卷第四

古體詩下四十一首

三山 在金陵西南百里崛起大江之中昔王龍驤順流

鼓棹逕造馬謝玄暉登三山望京邑即此地也

望夫石 在當塗北山上

題烏江湯泉寄老庵

罷官有期懷歷陽用好

擬舟秦淮雨中寄侍其服之

金山遊

金山化城閣望焦山作

金山夜集招米芾元章不至作

廣陵山光寺夜集留別黃材昆仲

題崇勝寺無心菴

和錢適德循寫懷二首

題天清寺安上人北軒

感庭束

鸚武洲 在鄂渚南浦上 懷寄周元翁十首

送表姪趙子億之官滄洲兼簡通守李延寧

夏夜雨晴遣懷 寄題栗亭縣名嘉亭

遊盱眙南山示楊介 介善方藥 別盱眙杜輿

留別龜山白禪老兼簡楊居士介

題海陵開元寺樓雲庵 寄題潯陽周氏濂溪草堂

送周壽元翁西上 濂溪長子 題陶靖節集後

補感寓詩 黃鶴樓 費禕登山嘗駕黃鶴返彭于此

題武昌鄭判官直節亭 題潘大臨東軒 字幽老

送咸宜令陳完夫移官吳郡 字保神

和潘幽老漢上屬目

慶湖遺老詩集卷第五

近體詩七十二首

雨餘晚望 自訟 待曉朝謁天慶作

送李易初還汝陽 重送 春書 擬溫飛卿

快哉亭朝暮寓目二首 題張氏白雲莊 賦得枕上聞鴈

知人遊白雲莊二首 早夏 辭酒 送陳傳道攝官又溝

遊滕園時氏園池 自鄆還徐道中 早發王村道中寄李智父 暮投葛墟馬上 汴渠夜泊示畢紹彦祖 丙寅舟次宋城作

京居感興

玉津晚歸馬上

西城有懷

苦竹村南

題諸葛洪田家壁

酬桂林從叔

寄趙令胤

寄潘孝本

送張商老

題烏江鄧氏亭

懷潘景仁

宿田家

遊真如寺

之香林馬上

題丘氏歲寒亭

送左鼎赴江夏尉

高望道中

湯泉道中

留別王椽

檝舟當利口寄朋遊

重別

投宿清涼寺

懷王椽

秦淮夜泊

遊艸堂集

酬別彥上人

易官後呈交舊

寄王椽

廣津門東馬上

久病寄親友

秋夜聞雨晨書

謝米元章見過

留別米雍丘

寶應復泊

題淨名齋寄元章

龜山晚泊



舟居卧病

泊臨淮

舟發金陵

江行寫望

卽官湖

題寶泉官舍壁

泛夏寓興

寄潘邠老

送陳主簿暲越

送金壇慎老

寄題杜子師草堂

第六卷 近辭七言上

懷金明池遊賞

贈張士元

雨晴西郊寓目

寄周文清

寄王岐

和荅鄭郎中見寄

和田名義詠雪

和田錄事新燕

冠氏縣齋書事

冠氏寺居書懷

題張氏放鶴亭

九日登戲馬臺

九日呈李成父

題南臺寺蘇公詩後

春懷

登快哉亭有屬

和王生悼歌人

送客還馬上

送傳道攝双溝戍

送周主簿移黃令

寄題李偉官舍東齋

病後登快哉亭

送李錄事謝病南歸

留別李智父

答陳傳道

寄寇元弼

招寇元弼

答王文舉

題淵明軒

將發彭城

留別張謀父

留別寇應之

邂逅周元通贈別

寄題陳氏步雲亭

題永城縣園水亭

寓泊永城招李深

送畢彥祖

將發永城

京居春日

送趙令時

懷李易初

酬令率惠墨

簡李公年

尋王荆公陳迹

答孫休

春懷

送潘景仁之官嶺外

宿清涼寺

答王拙見寄

第七卷

近辭七言下

寄別僧芝

寄白雪菴主

追懷從禽之樂

懷京都遊好

晚望懷故園

望金陵

烏江東鄉馬上

送潘瑤移令東魯

再送

九日懷京都故好

戲荅張商老

題定山寺壁

沈江訪別曹解

懷曹夢得

宿芥堂佛寺

送畢平仲

廣聖寺虛梁亭

烏江北道中

烏江沉舟

夜泊黃泥潭

樣舟當利港

放舟下江寄王元昏

渡江懷寄二友

訪王閣叟不遇

題金陵長干寺塔

題天慶觀鍾阜軒

再酬訥師

阻風白鷺洲

晚泊長蘆

上巳晚泊龜山

揚州叙遊

和錢德循書懷

席上呈德循

上元有懷

送元通昆仲

夢遊金陵

寄和上人二首

寄李趙二友

呈李之儀

贈張之才

病歸山陰酬別交舊

舟次淮陰酬邑令

高郵舟居對雪

留別王景通二首

舟次金陵懷舊

茱萸灣晚泊

題杜仲觀遺編後

第八卷

五言絕

附六言

感興六首

懷寄寇元弼十首

重經舊遊

六言

題画扇二首

六言

荅陳傳道五首

擬詠安仁得果

和王文舉玉臺辭

夢後聞蛩

宵歎

春晚樓上

和別館初夏

和秋日十詠

和悒、悠、二首

長安在何許二首

寄懷和上人二首

梅花寄和上人

送僧西上

懷寄彭城旧好十首

和錢德循古意二首

送王樞出鎮鄭圃八首

題海陵寓舍二首

追和古黃生曲三首

京居感興五首

和郎官湖懷古五首

江夏八詠

變竹枝詞九首

題画卷後二首

六言

第九卷 七言絕

清燕堂

北園初夏

秋風登城樓

初見白髮

局中歸

野步

和四時田家詞四首

西城馬上

再遊西城

東城送客

魏城東

懷寄馮惟逸

懷寄杜邯鄲

僧居對雨二首

再涉南羅渡

金隄客舍望南樂城

過被水民居二首

離剋氏道中

冬夜懷寄周鄆

病告中谷王鑄見招

樣舟廣津門外

晚泊會亭

題承天寺竹軒

楊柳枝詞二首

懋永城王氏園

分題寄陳傳道

周村驛觀吳公題

九日答張謀父見招

九日謀父席上

嵇斜溝寄王有元

泊舟寄京都朋遊

題陳伯儁蒙軒

京居暮春二首

春夜對月

遊夷門資福寺園

卯醉口號

汴下晚歸

陳留道中

過雷氏園

和人傷春

重賦暮春感興

送人朝饗

裕陵

登興國寺樓

李氏池上

遊莊嚴寺園

黃埭魏氏見江亭

贈芥堂老僧

茅塘馬上

阻風小孤山晚晴

題漢陽萬舍洗桑

秋江晚望

和吳連夫白題  
題詩卷後

第十卷

古風一首七言律五十八首

答僧訥

登齊雲樓

別曾忱

送張師長

送方安

送汪與京

海陵事

聞鶯有懷

遊西樓

寄黃主簿

海陵雨

初食鱖魚

海陵寓

四首

懷蘇眉山

寄僧和

許永席上

別道士 許自然

題傅德集

送開祖

贈僧純老

秦淮官柳 二首

別和上人

重別上人

別彥上人

別王開叟

烈洲守風

晚泊三山

東采石磯

儀舟姑熟溪

王敦城下

皖山北田舍

泊小孤山

得周元翁書

送鄒永昌

登峯頂菴

寄劉明仲

江夏秋懷 三首

書國志後

別秦少游

賦邠老詩 二首

酬峽中僧 二首

懷寄邠老

重寄邠老

副本送潘

示歷陽王泌

答吳達夫

同登黃鶴樓

哀曹永州

寄幽老昆仲

寄武昌友

二月二日賦

送何安中

送時適歸

送方明古

錢塘海潮

七言絕

斗峴山馬上

登如方山

投宿萬歲嶺

懷寄僧芝

寄有提上人

西郊馬上

重游梵行院

宿升中院

送僧法印

遊定林寺

賈氏廢園

東城馬上

送曾誠之

二首

送汪茂宗

咏蝶

題芭蕉葉

別僧永

觀元章題

過津門

題翰林書

題項羽廟

三首

吳門秋懷

丹陽客舍

毘陵僧舍

二首

薦福寺紅梅

題流香亭

因病得旨休

留題左顧亭

二首

補遺



黃山席上別當塗僚友 九日雨中作

清明病中

吳江送客

王迥子高挽章五首

題秦觀少游寫真

別王鈺性之

故四庫提要云此集原存前集九卷後集十一卷今僅存前集 四庫所  
收止九卷此本為明代舊抄 信吾邑錢亦未藏本 列卷十 函觀全  
書止祇九卷想為後人檢拾殘佚編成一卷者非原書次第也 且十卷古今  
體詩計九十餘首 而卷末另列雜詩及補詩之後 終有可待者也  
後集雜詩此稿畧存梗槩好古尚書取焉 惜尾葉未去 下葉不字者  
完書也 乙亥暮春 贈于 同學月霄勿忽視 吳江居士 識

慶湖遺老詩集卷第一



歌行三十九首

叢臺歌

累土三百尺 流火二千年 人生物數不相待 摧頹故址秋  
風前 武靈舊壠今安在 走樹無陰困樵采 玉簫金鏡未銷  
沉 幾見耕夫到城賣 君不見叢臺全盛時 綺羅成市遊春  
暉 一從瑠華閉荒草 蕭散行雲無復歸 韶魂想像風流在  
晴華 露蔓猶依稀 盤紆棘逕撩人衣 禾黍晚成貉貉肥 層  
簷碧瓦碎平地 夢作鴛鴦相伴飛 登臨弔古將語誰 城郭



人氏今是非。指君看取故時物。南有清流西翠微。彷徨華表不恣去。豈獨遼東丁令威。

### 黃樓歌

君不見熙寧丁巳秋。靈平未塞河潢流。澶漫勢欲浮東州。斯人坐有為魚憂。當時賢守惟蘇侯。厭術不取三犀牛。跨城蒼堯起黃樓。五行相推土勝水。鼉作龜驚走鞭蠶。三丈渾流變清泚。南來船車鷓銜尾。使君登覽興如何。舞劍吟箋賓從多。水平照影見鴈下。山空峇響聞漁歌。樓下汀洲長芳草。一麾南出彭門道。昨日春遊咏白蘋。後夜秋風悲鵬鳥。黃崗汝海心悠哉。青衫白髮多塵埃。采菱伎女今何在。騎竹兒童望不來。碧雲明月長裴徊。

### 彭城三詠

秦蛇已中斷。劉項方龍戰。叱咤沮風雲。睚眦走霆電。鴻溝一畫天地開。楚王洗劍東歸來。新都形勝控淮泗。籠山絡谷營高臺。重瞳登覽何為者。不知招賢知截馬。上如激矢下投丸。蘭筋霜腕便回盤。半夜悲歌騷不逝。明日陰陵行路難。駮馱三千歸漢闕。粟豆丸閭蠹官縣。君不見華山之陽古堦牧。春風吹草年已綠。

右戲馬臺歌

君不聞泗濱亭長送徒如成陽徒夫懷歸多道止澤中置  
酒飲相訣吾亦從此莽芒碣陰風蕭蕭上導者懼前有脩蛇  
怒橫路酒酣拔劍肯留行劃斷蜿蜒不回顧河明月出人  
踵來彼媪何冤號且哀謂遭赤子屠吾子語竟莫知安在  
哉真人聞此心自許茫：四海吾其主虎變龍飛十二年  
馘項臬英蓋狐鼠半復雄鎚飛上天幾見長陵一杯土

右軒蛇潭歌

漢祖高風百尺臺千年客土生蒿萊何窮人事水東去如

故地形小四來江淮猶沸鯨鯢血八十一車枉歸轍白叟  
逢迎皆故人牢酒歡呼惜將別峭澗迢迢非我鄉歟生此  
地何能忘酒闌嗚筑動雲物青衿兒曹隨抑揚爾時何無  
股肱良端思猛士守四方君不聞淮陰就縛何慨慷解道  
馬良弓藏盡

右歌風臺詞

漁歌

嚴公桐江上呂父清渭濱出處兩能事冥冥乎若人擁篲  
芘笠吳儂子身偶一竿生寄水侯庖富饌美鮪鱸寸鬣分

鱗犀刁機吾將一鉤懸十捷笑倚扶桑不計年鯤鯨懷餌  
脫相得坐使東南飲食鮮

江南曲

遊倡寡杜若別浦鴛鴦落向晚鯉魚風客檣泊當時

桃葉是新聲千載長餘隔水情烏衣巷裡人誰在白鷺洲  
草自生邊

三鳥詠

綠野帶沍春漠也露濕花焉朝暮薄年芳婉婉欲辭人啼  
鳥殷勤勸行樂提壺真起予十千美酒當贖沽金龜寶貂

家所無持底可過黃公壚調官東來今幾日謂有公田宜  
種秫朝廷未除私釀律安得一試焦革術提壺鳥嘆吾與  
爾皆悠也君不見長安西市多高樓大書酒旆招貴遊脫  
聞提壺鳴樹頭論槽買甕更敲醅庶幾此声知所投胡為  
南鄉長滯留端使北宗狂客羞

北宗狂客方  
回自號也

右提壺引

東南澤國陂塘濶旱歲少逢晴五月田間盡喜雨莫也竹  
下鷄啼泥滑也而予不耕陂下田田臯驅馬揮長鞭稻塍  
微茫絕復連如躡鏡面流鮫涎植蹄沮如不敢前何暇顧

惜青連乾竹鷄鳥汝幸飛翔羅罽外安知此塗吁可畏雄  
鳩更鳴方自慰汝不能言臆為對君不見日圓赫也長  
安大明宮闕開雲端鷄人唱漏辰三刻左右相君朝謁還  
前駱誰敢干後乘不可攀飄也青蓋望已遠綠槐陰下沙  
隄閒長隄千步沙漫也風不驚塵雨亦乾君能馳騫此其  
所何事江鄉行路難

右竹雞引

長江靡迤山坡陀旅竹荒松蒙蔦蘿蠶初眠起風日暖梅  
弄黃時烟雨多山間有逕行逶迤倦客據鞍生睡魔奈爾

思歸啼鳥何子規鳥不如歸去好誰家西北最高樓幾為  
王孫怨芳草子規憐爾解歸飛我獨何心長不歸十年跡  
絕蘇門道夢裏舊遊知是非一官竊食官倉米十口之家  
飽而已金印錦衣耀閭里少年此心今老矣問舍求田從  
此始

右子規行

東華馬上懷寄清涼和公兼簡社中王拙居士

東華在  
涇陽北

雞鳴紉五鼓驅馬東華路月落潮上時雲披日生處搖也  
漁艇子挂席凌江去送目思悠然橫槩聊一賦鴻雁南飛

江北流亭七雙塔是昇州前朝物色今何見白鷺平沙接  
石頭石頭城上清涼國中有彌天大比丘右軍遠孫傲時  
者巾鉢久從蓮社遊吾亦明年及瓜代一庵見寄外何求  
廣四愁寄李諶

夜如何其夜未央斗星燦兮河蒼涼微月入牖窺曲房候  
蟲刺促鳴我床離憂歛來煎人腸夜如何其夜何長綠琴  
在薦兮擬楚奏之沈湘朱絃濕露兮聲戾指而不揚屏琴  
浩歌兮屑渾泗之浪七戎有所思兮在何之陽優而不見  
兮哀難弭忘駮驥騰躍兮鴻鵠翱翔明璫玉案兮爾不戒  
將緘誠結惠兮久莫汝償永如牛女兮南北相望昔蕩處  
兮靈芸之堂紉蘭為佩兮集芰為裳西風淒緊兮凌百州  
以殞黃蘭萋萋裂兮恐被服之不芳念汝玉立兮賤組繡  
之文章玄節日厲兮奈慘慄之冰霜胡不乘白雲兮歸來  
乎帝鄉尚何所徯兮畢永歲而徜徉

舟次金陵懷寄歷陽王椽相

王字元晉

昨時江北望江南把酒離愁已不堪今夜江南望江北抵  
掌清談安可得歷湖白下非吾鄉官身俗眼禁人狂後日  
扁舟更西去江北江南兩何處

贈道士蹇拱辰

嘗觀妙手御風圖想像斯人世所無今識黃冠葆光子爽  
氣飄飄盡不如岷峨東來九千里眼飽高士與流水東春  
更擬訪天台晨肇當年偶狀耳葆光子胡為乎鼎中龍虎  
煉成寶筆下鬼神驅作奴須君且置是等事三復玄元皇  
帝書

艤舟秦淮雪中訪侍其瑀

北風破雨初成雪齋舫蓬櫂吹紙裂簾舄觸冷訪圓廬得  
把一盃聊耳熱人生自遣待何時矧君與我皆衰遲會待

晴天暖風日杖藜同赴北山期

寄墨代書贈楊時

徂來雪壓蒼松顛淪膏根抵蟠蛇蜒樵斤翦柝石火熱曲  
突百步凝稍煙蒲萄秋顆壘匕懸海膠九煉堪續絃力擣  
萬杵臼欲穿齋成圭壁隨方圓點漆比色石比堅坐令李  
常羞居前陳臺潘谷老且賢授惟識者不計錢是翁解化  
如蛻蟬後可繼此無聞焉付君一圭款識全保護謹密何  
千年君家清風宜世傳不特談玄須草玄

金陵畱別僧訥

冗從西班誰比數牛僧馬醫猶爾汝詩解窮人未必工苦  
調酸聲効梁父滎陽道人方外交謂我有言追屈騷驪珠  
不惜彈黃雀狗尾何堪睨晉貂秦淮朝上扁舟發後日相  
思一書札千里同風了也次人間無處無明月

留別道士許自然

東晉高賢許遠遊喬孫今不墜風流還有臨川王太傅每  
思與語即登樓浮名何啻如雲薄鍾鼓爰居非所樂漱石  
枕流知善謔友月朋風差不惡吾亦塵間無所求終期採  
藥棲羅浮異日歸來遼海鶴不見人民見城郭

贈趙叅軍滂

字沛然工書

髯叅軍髯叅軍平昔相好書相聞妙兼八風唾五雲一字  
僅課三年勤春回玉樹生蘭筋驂驪氣壑千羸羸庾家之  
鷄安足云君子硯漁而筆耘欽宗扇子羊帚奈何不書藥  
珠秘錄之真文寶厨鈿軸絨震芸閣居清絕無壺紛誰其  
觀者紫陽君後日人間偶流落猶得標題持鍵鑰

留別田晝

字承君元豐初滎陽同官也

君家陋巷一尺泥吾車有輪馬有蹄犯寒踏雨重相過明  
日扁舟吾遂西回首卽鄣迹如掃離索十年成潦倒兔葵



葵麥春日妍蟬腹龜腸氣方飽雲達宵心謝攀躋長致與人還故棲異時結駟來南畝耕耆老夫鋤耆妻

詞北隣劉生

時將為衡陽之行

荒園老墻百堵破北隣劉子南隣賀令相西望不相過端怯衡陽芒僑浣吾庖無魚未必餓晏飮糠覈煩脾磨吾牀何容兀物坐書為睡媒即牀卧彼子劉子何所作佐方學商聲哦楚些細君憂憂與之和相忘之樂在江湖寂寞者人情不無此日可惜難再圖秋風西來莫挽吾後日相思幾千里書不盡言徒耗紙

答蘄生

名馳嗜酒

軒心陸士龍卓心荀鳴鶴雲間日下逢此段殊不惡方君嗜狂藥而吾窮病縛相望不相過賦詩聊爾謔知君酒隱慕先賢誰何合作飲中山金陵紗唱丹砂絃當日新聲傳不傳莫學滄波弄明月老鮫哆口饒流涎訪吾之居在何許春明門東大道邊青鞋布襪不妨步何待東家蹇驢乃著鞭飛屋真無坐客擅蒲團檉棧共蕭然閉鷄走狗春風顛付與垣東惡少年

老鶴歎

華表華表歸來乎出無車食無魚懿公之遇難再圖卑棲  
俛咏同羣雞誰謂程氏子不孤強顏市井交屠沽巨源密  
啓亦已踈嗚呼衛侯既不可作道林今也則無露鳴風舞  
何區區夙夜供君耳目娛西山二子飢相似南國三閭放  
不如端慮盤飧懷異味併隨焦尾付庖厨

海陵送王安節赴武康尉

江左風流推第一王氏堂七文獻出烏衣諸郎能少屈尚  
執中司三尺律君方色養白頭親吳興水陸既母新下溪  
之下茗溪濱一洗長安肥馬塵君不見昔人負米長勤捧

檄喜敢論州縣徒勞耳

送海陵周太守卻受代還朝

湯七水東流奈何載此西行舟紕如五鼓鳴城頭使君太  
笑不可留前日使君來天子惠此州傳道管城政先聲走  
羣偷不關外戶息吠犬悉把鉤鋤誰帶牛雨暘不違禱鷗  
鹵數倍收吏却一錢賄獄無五木囚黃堂坐嘯有餘暇八  
詠新詩追隱侯斯民幸使君畢世為吾生俄及瓜時代本  
朝官重內籙通金門籍行奉玉宸對問君何以治海陵但  
陳聖主之德臣何能狂生有意水衡丞

海陵送僧雲還吳興 雲喜作小詩

吳興道人美風度月下滄浪翹白鷺畫公詩律尚能傳聞  
有赤烏黃耳向海角相逢一笑新懷歸不待白蘋春寄聲  
故國羣兒輩潦倒塵埃賀季真

荅許景亮 字少明喜作詩

東嘉海上孕瓊恠之子人英晦當代發之辭章聊一噫霜  
敲霜鐘警聾瞶投吾夜光敢下拜相期過高牽少殺君家  
風鑿嚴簡汰頤吾衰遲際厄瘵久隱牆東慕牛僧絕望仲  
華安石輩老矣狂奴猶故態清思屢遭俗子敗絮衣棘徑

勳冒礙京塵浼人更難奈行拏一舟犯滂湃五斗無餘雜  
糠稗全家飯殮雲夢豈黃鶴登臨指天外燕子西飛書可  
待訪吾少明安好在

贈僧孚

即僑人膏了然熙寧末與之遊後過于長蘆了然已為僧即孚也

北道交遊膏了然手持丹訣口談禪吾年方少不解事貪  
酒放歌相助癘十載驅車道梁楚汲水之陽一環堵著書  
真上窺鬻熊鄭圃潦園聊爾汝旋聞督作太鄉行聲迹相  
遼掃風雨我遭官縛未渠央君割塵緣遠如許扁舟三月  
遊長川故人投謁俄童顛周妻何肉取吾事成佛定輸靈

運先此行歷涉佳山水隨牒不妨行樂耳與君更結蓮社  
遊徑取孟囊付舟尾

九江送章邦傑移家餘杭包家山

字子才熙寧僚友

九江賢令尹千載兩相望昔也陶彭澤今之章瑞昌拂衣  
置五斗高興挹羲皇避俗陶無悔達生吾與章淵明三徑  
荒松菊我携一瓢寓僧室潤明乞食踵人門我賣神丸辦  
蔬粥淵明為酒接休元我每移書謝州牧淵明紙筆課兒  
曹我子長歌紫芝曲蕭閒門戶十三年尚畏塵緣生處熟  
行將卜隱包家山誓與蒼生鍊大還願君門外誅榛管來  
者勿拒容躋攀鏡湖遺老已且孱猶堪護鼎呵神姦功成  
拔宅自僊去唯餘井臼留人間

題漢陽招真亭

亭在大別峯頂郡守吳興劉誼宜翁營

大別山巔清沔尾飛亭峩峩帶雲起清狂使君初燕喜拍  
手招呼黃鶴子玄津燁出太陽酥丰茸胎髮蒙頭臚每誇  
父落北鄴籍豈意齋恨歸黃墟越客登臨興何有慙不能  
言病好酒殘陽雲夢窅然深尚欲開襟吞八九羽駕飄飄  
安在哉使君餘跡已塵埃但見庾令樓橫烟樹杪角聲催  
月渡江來

晚出五城聞角

古壕沮洳荷葉枯，雙鑠禿鷺行。且漢山銜日，脚上關掩孤。  
樓引角吹單于，胡馬嘶風興。非淺壯圖，舊跡隨塵卷。殊盡  
湖邊，鴈不來，流落方悲去人遠。十月之交，五夜長河橫斗。  
真天蒼涼，蘇門故里，斗杓下豈無伯仲。勤相望，君不見剡  
蓬為矢，弧弦桑男兒落地志。四方履履無根著，家巷道梁  
通楚。猶吾鄉，鷓鴣不踰濟橋，渡淮為枳。吾心况物未應然，  
隨牒官身聊爾耳。

寄漢陽趙尉沔

字道原

慶湖遺老坐詩窮，強仕之年百病攻。誰謂南昌祿隱翁，伏  
枕呻吟四壁空。相思限此江西東，寄聲每託江頭風。斯言  
近俳聊一咲，江水方清飢可療。人生奇偶類探籌，造物豈  
容人數料。君初試吏或當然，我大半生真不調。昔不願起  
家，百日登三司。今不願還家，六印金紫已。但願官糧辦親  
養，歸來尚餘三徑資。鄰牆晏起訪安否，爾酌我歌克舜時。  
咄嗟此願良難必，吞聲食藥母如蜜。

送武庠歸隱終南

武字明叔，命巴峽，還道由江夏。過我乞詩為賦此。

君不見南朝豪雋有郝生，自猷出身時經嬰。樂聞栖遁去

人者傾金累百贈其行關西武郎將家種心實慕儒官况  
從春走巴東歲暮還逢迎偶在江南夢過門把酒豁清襟  
行將歸隱南山陰終焉之計咄嗟辦願賦一詩輕百金自  
古成秦稱陸海六印可求田莫買別墅三千畝上禮將軍  
部田猶多在未應親手把鉤鋤歲事經營付家宰一官換  
得今是翁昔何所縛令誰解携琴領鶴白雲鄉身世相違  
自兩忘北憇仰枕安足道未知何者為義皇豈不勝俛首  
塵埃百僚底南北推遷隨尺紙摩肩接武半臺輿誰謂淮  
陰非噲比君家鼎甲盛先唐兩都朱邸森相璽天道惡盈

幾赤族當時賴有安平王慶牒蟬聯今幾代雲孫庠繼遊  
方外他時野史逸民篇鑄也磨砧跂而待

今是翁武之別  
詳

送鄂州刑獄椽王懋元功罷官還海陵兼簡金陵和

上人

暖雲芳草橫塘路送客何之官鄂渚江臯暑溼氣如蒸別  
來何之還海陵海陵鄂渚非吾土每後君來先我去人無  
根蒂本悠悠况指滄波是舟路君方少健我衰遲跼蹐  
間不自持因行寄聲鴈門遠歲暮敢忘林下期好去將無  
同語椽行見春風花滿縣隱顯他年不我遺為續白蓮社

中十八傳

王鈞環歌

諸王孫士泮澄源以蒼玉環螳螂鉤見貺助飾野服因以珉玉盤成氏箭博山爐建瓏龍茶五物

并此歌為報

良工得玉藍溪窟相璞命形心匠出螳螂屈彊疑有骨頭  
繫一環猶莫屈鏡湖老狂猷袍笏素襪纁縮須此物價比  
連城不容乞王孫輟好人所難何以報之珉玉盤薰爐波  
面山嶠屹吾鄉美竒鷓鷯翰閭堯兔益霜毛寒襦是頭首  
雙龍團聊送公齋增冗長短歌粗可評珍貺吾方野裝事  
遊放蹈步臞顏曳藜杖薄暮微吟江藻上彼漢文人誤相

訪謂似三閭大夫樣

南樓歌送武昌慎太守還朝

君不見鄂渚山環少城半高牙之衝仰飛觀徘徊華月天  
一隅縹緲青山江兩岸題榜南樓非昔時令人可復識元  
規唯餘在得昔時月與此江山長住持公堂坐嘯無留事  
清夜登臨誰辨此流風逸響殆千年初見東吳貴公子刺  
繁健手付方州迎亦未始逢金牛潢池小兒歸田疇田無  
高下乃多收每尋不淺胡牀興更有歌人行酒籌明日雲  
甌望冕闕鏡湖先生愁欲絕一錢何敢挽劉公送行聊以

南樓月炤見金閨待漏時結珮正冠勤曉謁公乎莫負驢  
魚菘菜斯衣錦東還使持節

題黃岡東坡潘氏亦顏齋

東坡有田誰料理鰲面蒼毛潘氏子結茅題榜亦顏齋農  
隙把書聊自喜潘乎潘乎信是顏之徒終日何所論難真  
如愚世無孔父四科友猶辦簞食瓢飲陋巷環牆居百畝  
之收粒可數天南有待東坡主更輸傭一補官倉餘勺幾  
何供雀鼠會須不改其樂媚而翁力田水旱由天公大勝  
心迹相遠阮杖尉東西南北哭逢窮



慶湖遺老詩集卷第二



古體詩上四十首

故鄣

鄣

曹操表氏始大築于此元魏孝靜帝遷都于

魏武昔恢圖北平譚尚孽卜鄣築新都非徒三狡穴將行  
遷鼎志遠有分香訣落日總帷空奠終歌舞闋旋聞灑洛  
上載起蒼龍闕四葉不歸東苔花馳道絕食槽識終驗挂  
飯期先決擾攘百年間覆車尋此轍山川氣象變朝市繁  
華歇白露復青蕪茫茫換時節陰風吹葛屨莽火走兵血  
木葉下西陵寒蟲助駭骨當時陪塋骨馬鬣猶環列墜碣

仆繼橫鐫文父殘缺帛砧與柱礎螭首隨分裂指此一坏  
間賢愚兩何別悠々鳳潭水寂々雀臺月千古配英魂未  
隨埃燼滅田臯訪遺老謂有興亡說但聽黍離篇叱牛耕  
不輟

喜雨

終春久旱膜涉夏俄得暑垢汗浼衣襟梅津蒸柱礎黃霾  
閑赤景測候錯辰午沙燕逐風鳶翻飛邇來雨紛々白羽  
箭齊發萬牛弩落瓦復鳴階浮漚如沸煮崇朝已沛浹枯  
渴損清瘡田父喜過從迎門好相語蚕桑薄可具豚酒與

簫鼓擇吉謝叢祠巫娘罷歌舞晨炊飽丁壯庇笠耕烏鹵  
少緩麥租期庶將秋稼補輸入太倉中蓄肥任苗鼠

光槐

生滄水上直有吟嘆聲蓋皋孤所憑也里人以  
為神築壇祠禱感而賦此

老槐父枯秃俯臨清路塵曾無席地蔭庇暘及斯民梟巢  
與孤穴兇恠相憑親嗥嘯屬陰黑驚搖夢近人周環築級  
壇立社祠秋春既享不材壽濫當有土神勿惑巫婦言請  
揮樵者片猶疑終竊據復作後來薪

過鼂椽端智

字祖禹滄陽法曹椽

西風吹晚雨飢雀噪寒叢文舉對談客坐慙觴豆空咄嗟

遊宦子貧病畧相同。斗俸折腰得醉錢。常不供君看北里。  
兒高堂燕歌鐘。雖誇酒無美飽德。何由豐吾豈乞墦者。不  
為妻妾容。永懷冰檠操。未媿屠酤雄。

春行

風俗喜嘉辰。行樂東城春。人歌芍藥章。馬渡楊柳津。田畝  
久枯渴。麥芒棲暗塵。焦心戴白叟。日望西郊雲。

對酒

白駒不可駐。尺璧非所珍。獨挹一樽酒。悲歌送徂春。歌闌  
酒亦盡。回首迹已陳。自笑十年仕。尚迷天下津。豈無濯纓  
水。奈爾長路塵。命也復何道。今人猶昔人。

閑情二首

青氈隱夕暝。玉甃紫苔春。佳人久不見。翠被銷檀薰。長巾  
拂綠綺。上有三年塵。聊彈別蕤弄。寄謝陽臺雲。

秋風動朱箔。流塵污鴛綺。念昔合歡人。兩心今萬里。水霜  
變松竹。况復如桃李。欲寫相思文。無多右軍紙。

題平山齋 唐人画

巫山彼美神。秀色發朝雲。綉麗不可挹。飄飄去無痕。楚夢  
一夕後。蒼山秋復春。目斷腸亦斷。往來今古人。

詛蚊

公舍踞陰溝惟蚊得所在朝昕滅聲迹曛暮相期會挾是  
黨與繁豈資軀力大飢心過狠貪毒喙甚蜂蠆併張巧中  
人勇悍將何奈貧無繒葛裋拙計燃蕭艾徒自取薰蒸舉  
家更噓咳烟銷尚鼓篋復父禦益懈坦腹恣交攻煩瘞如  
搔疥神疲復夢悸少不容清快如何造物工種此生民害  
安得長風驅投諸四荒外斯之嚴霜誅併命不可貸醜類  
倘一遺餘孽行當再

燭蛾

鬼蛾來翩<sub>匕</sub>慕此堂上燭附炎竟何功自取焚如酷感彼  
萬動微保生在無欲不見青林蟬飲風聊自足

病暑

早夏景延永烈日天中央歛<sub>匕</sub>燎原野中人如探湯病肺  
苦焦渴吐舌生喉瘡蔗漿與茗飲未易蘇膏<sub>匕</sub>盲稍驚氣  
象變雲物來冥茫仰枕視簷際浩<sub>匕</sub>浮滄江忽得灌頂偈  
灑然心地涼雷公未鼓怒風伯何猖狂掃蕩大宇空萬影  
纒斜陽俯辭<sub>匕</sub>芝臺上拱立齋鼎旁一介命蝼蟻敢干私雨  
陽田夫信無罪觸熱正驅蝗

暑夜

渴蟬鳴中夜木葉凝無風襟兮不加帶猶如被蒙茸三庚  
信可畏一翁曾何功安得解民愠蒼梧埋古桐

問內

庚伏厭蒸暑細君弄鍼縷烏縑百結裘茹繭加彌補勞問  
汝何為經營特先期婦工乃戢職一日安敢墮嘗聞古俚  
語君子毋見嗤瘦女將有行始求艾醫須衣待僵凍何  
異斯人癡蕉葛此時好冰霜非所宜

食艾實作

邯鄲郡逆事錢景德茶父席上賦

錢侯官舍旁走水來方塘暑雨過初伏斜陽生晚涼風翻  
炎盤卷萬紫爭低昂猶疑秦鷄暴擅此六國場下榻延密  
客開樽薦新嘗金刀剝老蚌玉沙磨夜光殷勤煩飢餒未  
咀悲生腸引領廊衛西百泉乃吾鄉水產富此物數餞論  
斗量朝食取饜飽無復炊黃粱貪嗜比羊枣况乎惟味良  
十年去國仕遇得總統微茫季鷹思尊羹拂衣謝齊王祇亦  
散浪者未許斯人狂長歌定行矣千載會相望

烹鷄歎

膳夫縛三雞二鳩先就烹一雄置樸上不廢知時鳴有客

見之嘆人情物情寧昌言即死何喋口偷生惠聞此客  
言退思因竊評雞寶鼎俎資殺身非罪聲人忘樞機誠鼓  
舌為禍萌宜念千金軀與雞何重輕

題華陽公主碑陰

按碑公主名季豔魏孝文帝之孫  
年十四降高歡弟琛

王姬乘鳳去春色一朝空昔怨綺羅月今無松柏風千年  
見白日狐穴入幽宮玉鏡古塵滿落梅誰復容峨嵋當墜  
碑寶劍一何工文擅色絲美但書膏邑封惜非丈夫烈不  
得傳無窮好在故時物清潭流自東

題蘭陵王碑陰

按碑王名肅字長恭北齊文襄之子

齊室生武賢蘭陵乃頗牧枿瓜饗庖士饜尉比梁肉金墉  
免胄戰破陣何神連樂府有遺聲當歌凱旋曲盤宗既不  
壽霸祚宜爾促十代六百年人間換陵谷荒塗接幽壠誰  
復禁樵牧窆石半欹推鉤鋤斷鼈足蒼苔蝕琢刻仰睇眩  
塵目操翰無愧辭千言不為辱流滿鬣馬鬣客土日危促  
靈潦併年間瀰漫即川陸昔多萬函送今無一杯築人生  
妄區別共盡同草木何得雍門彈令君泪盈箱

即郵郡樓晚望

新涼瀉軒檻草葦煇聲潤水倒嵐影洗磨刀劍明百虫

暮吟動一鳥歸思輕晚律駭徂景竊懷念勞生去國亦已  
久已年今漫庾官倉容雀耗世路忌蝸爭顧我笑荒浪誤  
拋樵與耕竹木微遠在奚獨古人行

荅杜仲觀登叢臺見寄

高風蕩河漢白露被寒菊下有絡繹虫淒酸生意促華年  
不相待去我何流連老步失騰驤短轅甘跼蹙伊人濮陽  
秀方厭折腰辱仕道塞榛蕪低徊避虻蝮邯鄲古都會陳  
迹武靈築興發即登臨西南獎窮目新詩琢瑤琤疊寄西  
三幅一聽郢中歌陽春回草木行將及瓜代暫喜擺羈束  
鞭馬徑相過連朝奉遊騰隻鷄與斗黍禮意未為足何以  
遇高陽多營甕頭醪

冬夜寓直

落月半侵窓蛩聲寒到床羈人不堪此夢後夜仍長結衣  
出庭戶河漢正蒼涼浮陰曠四野來鴈不知行陳物悲暮  
節畏途懷故鄉十年泥滓賤半生靴板忙豈不志事功筋  
骸難自強壯毛抽寸霜烈胆磨尺鋼素尚竟誰許行歌追  
楚狂

送武

欽宗廟諱

之安陽

黃金絡征轡之子待明發樽酒少遲留禪林見涼月歌鬢  
結蛾黛怨此佳期濶去也柳堤風青蟬催白髮

寄杜節卿

窮巷獸多雨顏垣藜藿生蝴蝶飽風露晏景一何清坐指  
歲芳歌羈人心骨驚所懷不可見東州聞政聲三年但絃  
歌百里稱神明風月動高興詩章時一鳴天葩落健筆直  
與春工爭渾河失故渠怒水方縱橫難憑束蒿濟跬步萬  
里程夢想不知遠笑談何可并賴有西飛翰尺紙緘馳情

訪周沆郭忱

周字文清郭字天輔皆僚婿也

前日去薄官驅車望城闕情親周與郭契濶多年別征袍  
未及解徑造郊扉謁存問審安娛芝眉尉懷渴家飽具羹  
笑笑我猶饗餐野色宿蒼茫松陰步微月悲風應長嘯洒  
面若冰雪狹室燭光清壞爐擁駝褐歡呼講舊好鄰夢憎  
驚聒念昔初冠年朋從事顛蹶忽也一回首身志成老拙  
居諸信過邁又值陽生節春物行可期良遊須屢結歸家  
酒醅美升斗容丐輟酌挹東君手選時芳折樽前有餘  
樂身外無所切欲尋玉清路難訪金丹訣修短三萬朝黃  
塵共埋滅



除夜歎

壯髮忽種<sub>匕</sub>華年令復窮客懷少安適况乃京塵 病肺  
默斟酌疲筋謝過從閑訪稅老屋車馬無來蹤日俸總百  
錢鹽齏不供夜榻覆龍具晨炊熏馬通出門欲貸乞羞  
汗難為客安得一扁舟浮家乘興東江山北深隱終老為  
田翁春秧二頃苗秋穫期百鍾稚子課樵汲壯妻兼織春  
行歌滄浪清卧快柴桑風神明養內觀憂患無旁攻有客  
聞此言謂余何不衷茲行果勇決誰攬冥<sub>匕</sub>鴻安知祿籍  
間去就如樊籠微尚良自信所悲君不同

寄杜仲觀

中春雨收霽與子登叢臺形勝宛然在太行西北來無情  
百尺土千載未摧頽四顧發悲嘯淒風振頽顏凌高氣象  
變似不容徘徊下出破禪刹斷碑生紫苔嚴公賦懷古復  
使後人哀西尋王氏園一徑趨城隈老竹未萌筍繁花如  
雪開惠然丘少年逸躅欣攀陪小榭羅醜豆開簾按俳詠  
招呼緲繚人晚鏡催收梅水調唱金縷雲壘浮玉醅傾腸  
散惜醉忘著接羅回明日遂分首舊遊安在哉我為東徐  
官客鬢棲塵埃君謫南康吏江山役清才西風吹去鴈足

紙為君裁我已困推辱壯心如溼灰行將隱名姓采藥孫  
登崑共城山名異日倘相過衡門剪蒿萊

遊雲龍張氏山居

昔聞張逸氏卜築雲龍山東望結遐想喜得彭城官一語  
定襟契宛如平生歡招携屬休沐投此蘿薜閒女僕候門  
巷青桂雙翠鬟蘇齋軒戶明餅火焚椒蘭寶墨鬼神護清  
詩冰玉寒森然棋簷雷架石排琅玕東趨放鶴亭磴道披  
茅管指頷百村落炊烟林莽間日脚洒平陸西山如斷環  
淒風振晚葉坐怯衣裘單引領紫霄極飄飄如可干緬懷

眉公山五馬來遊盤酣興走顛筆蒼崖即鏗刊午年仲冬  
月雪野雲彌漫掃石坐舒嘯惠泉烹鳳團當時詫盛集千  
古陋達安俛仰迹遂陳斯人久泥蟠我來後千日逸躡何  
由攀過勝不能賦俯尋塵路還山英移未勒時款白雲關

登黃樓有懷蘇眉山

時公謫居黃岡

登黃樓望黃州黃州不可見樓下水東流水流何可留浮  
雲更悠已傷心澤畔客憔悴楚蘭秋

秋懷二首

室邇人尚遠况乎千里間豈徒道路長重水復重山清霜

老芳物嘉樹不堪攀欲寄隴頭信春風殊未還  
蕭々庭木落格々雞聲惡荒簷日影斜飢猫捕黃雀聽聞  
養痾客起念丘園樂欲賦歸去來西風老藜藿

燕子樓

城據山川勝千年楚故都高樓臨汲水楊柳蔭芙蓉唐室  
中多故將軍老鎮徐邳場朝戲馬玉帳舊投壺白雪徵清  
唱黃金得綠珠春風樓上醺三日極歡娛紅粉夢雲散白  
揚兵火餘當年賀厦燕老盡幾番雖曲徑擁黃葉西風時  
掃除寒鷓鴣老樹睥睨女牆孤有客晚登覽徬徨思壯圖  
荆榛悶銅雀麋鹿遊姑蘇陳迹豈足道舊歡何日無朱欄  
開酒場寶勒迎官奴醉袖舞鳴鶴豔聲歌鷓鴣遲留故時  
月桂影來座臨回首一相詫今人如不如

快哉亭

在彭城

飛亭冠城隅空豁延四望夙昔兩文雄胡牀此相向山川  
氣候美詩酒風神王彈壓許昌侯陽春慙俚唱麾車忽南  
北榮辱生譽謗一躡雲達閭一落江湖上我來得陳躡伏  
檻徒惆悵可畏此塵籠歸哉養荒浪

飛鴻亭

彭城太守王公命僧起之也與李昭玘楊中立同  
登賦此

禪林跨山骨籠 鑿峻嶺千里寄雙睫百憂消一登斯遊  
屬公暇晚日東南升霜野明練甲雲陰垂海鵬東州地陽  
暖臘月川無水大艖出洪口突去如騫騰跣坐思方寂桐  
魚聞飯僧生臺飽馴鴿散上浮圖層矯首發長嘯清風鼓  
塵膺窅々紫虛路鴻鴈正憑凌仿佛中散公俯手朱絲繩  
粉繪久零落爽靈呼不應願予識猶寡况復無才稱行且  
置纓笏庵樓宗大乘二子勿多誚有心何不能

上巳后一日登快哉亭作

上巳信嘉辰流觴傳舊俗良遊悵不遂吏局方有屬東風  
吹曉雨方竅嗥林麓疑有泊舟人狂歌河女曲逾朝始澄  
霽物色如新沐城角趙危亭登臨慰幽獨紛華掃不見胡  
蝶飛平綠矧倚窮夕暝悠哉此心目

讀李益詩

唐詩家字君虞

君虞興聖孫詩律早專美梁府度新聲宮醮奉天子鮮風  
獵蘭茗華月濯桃李獨有連眉郎才稱苟相比頗聞竹塹  
句流落綺紈耳更曾久失調幕府感恩起從軍五十篇王  
粲慙翠爾胡沙動霜草開卷得千里騫翔大蓬拜轉顧觸  
排毀晚升八坐崇謝事知所止高文茂支庶埋滅長已矣

斯人今不亡正賴數番紙咄嗟齒踰壯日就無聞恥勉哉  
課謠吟請自田居始

田園樂

昔我未去國幽棲淇上村分辭俠少事喜與農老言農老  
孰追從四隣皆世婚樸中工織婦籍上成丁孫青駒自走  
磨黃犬長候門昨日春火開逍遙望高原西炤牛羊下東  
風花草繁今朝夏鷄鳴麥熟田頭喧歸來息樹蔭課汲灌  
中園秋賽方及辰釀秫烹羔豚叢祠響腰鼓免杖奉神樽  
冬雪斷門巷蚕廬清且溫地藉熊豹席爐明荆樞根起居

就安適非復繫晨昏不識百里面不知千騎尊供輸先衆  
期於我何威恩太上復淳古坐起義與軒敢忘天地施擊  
壤聲如塤畢此百歲願泰然長夜魂避秦誰氏子客死武  
陵源

此日足可惜

彭城寇元弼席上賦

此日足可惜此樽何可辭人生信浮寓光境將安之念昔  
青衿歲九七殊未知忽俯仰間復見趨庭鯉名繫元從  
藉願亦胡能為撫此多病軀敢有黃髮期每虞斃痔走明  
哲永見嗤後日賣刀劍買牛耕故陂不憚力作勤農事有

閒時慨想無心子清言真我師

却兵之狄丘道中懷寄彭城社友

駕馬出北門徒御何遲七日氣方溷湧霜陰亦紛披後夫  
前驅行少婦痛不隨分携仰天哭聲盡有餘悲雖非遠行  
邁要之為別離顧我豈無家從公難遂私且懷二三友缺  
此文酒期臨分各有贈婉思婉乎詞吟風一回首烟林失  
城池相思肯相過斗黍為君炊

三月二十日遊南臺

晴春六十日不與酒杯親吏事豈無間風雨復兼旬始作  
南城遊時物固已陳掃不見桃李濃綠迷荆榛登高暫道  
遙引目清泗濱向田有交逕俯城皆要津得意屬禽魚可  
愛不可馴顧余千里客眷此十日春胡不念爾生筋骸勞  
欠伸二十起丁籍一官初為貧併張西復東甌痛菜蕪塵  
黃授彼何物豕豈安足珍山園有芳蘭幽佩手自紉長哦  
白雲謠遐想紫陽真去矣南昌尉庶幾乎若人

夏夜懷寄陳傳道

陳攝鎮以溝戍稅局

瘦筋任藜杖行藥下僧坊月出河漢白雨餘草木涼有懷  
社中子引首東南望高韻少諧結何心事征商泗濱六七

月萬柳鳴蜩塘大鰲歌哦來迎風坐胡牀投錢授赤券豈  
所試君長申退尚多暇不無金玉章而予方執熟思得濯  
滄浪雲牋懽寫寄珍重未相忘

慶湖道老詩集卷第三

古體詩中四十首

和張謀文遊石佛山觀魏太武書 按南北史薤城

圍經魏太平真君十一年太武南侵至瓜步築宮駐

蹕聲欲渡江宋人患之遣使請婚饋百牢以犒師明

年春旋師渡淮復留徐方再自始北去今薤城南五

里因山鑿佛高十許丈東北百步有大磐石款枕小

溪劃然四字曰阿彌陀佛皆徑尺餘蓋當時太武以

鐵篋畫是字也乙丑秋張摹摹本見惠兼賦一詩要

余屬和焉

中夏昔屯否代邦天所開鴻圖屬太武不世英雄才南洗  
洛陽血西盪長安灰輓車十萬乘略地驅風雷一葦濟長  
淮築宮瓜步隈東隣拜牢籠走使為婚媾雲旂即歸路覽  
勝此衰徊俯揮鐵馬鞭頑石同陶坏劃成四大字屹栗陰  
虹摧淪精入崖砮怒氣羞蟠回茫已六百年風雨生莓苔  
偉蹟寢銷泯威靈安在哉生存賢無上零落等塵埃君為  
訪古遊賦詩追七哀人生誰不爾莫負手中杯

夜行鄒縣道中遇雨作

昨日秋遂分村已斂禾黍半夜宿田人相噉去深陂雨駭  
馬上客僣挹投何所暮發鄒子城朝期飯東魯據案思假  
寐顛墜慙不武俯畏道旁石積然如伏虎遠驚喬麥華白  
水漫洲渚安能叱吾馭親闈寄西楚念昔卧蘇門夙興猶  
及午豈謂送一官羈離遽如許歸歛惜遲暮幽悵將誰語  
賴爾草根虫助我長吟苦

行路難

驚聽獵棒奔西山匿頽陽四五陰魄晚繁星亦光茫驅車  
何所投却顧歸路長挾轅兩羸將犯此豺虎場安得渥洼



駁皎旦遊康莊豈徒寫我憂要使塵不揚

送冠元弼王文舉之荆山

無端嵇氏一早結曹家偶不遂龍蛇藏龕從牛馬走東西  
祇強顏清鏡笑人頑歎枕知歸路開屏認舊山甘心折腰  
背為飽來西楚始驗蒼生魚還悲廁中鼠西君冰玉人傾  
蓋許相親何意塵埃地歛游雲漢津佳時弟行樂不與華  
年約大白酒相酬長箋詩間作俄報成期舛扁舟去莫留  
臺鄉淮水北和氏玉坑頭飄飄同李郭到岸逢搖落俱是  
長年人得忘彌日惡勞生不自知會合復何時籠鳥檻猿

思烹鷄炊黍期此期諒堆必幸勿忘今日固有夢依之可

無書一一徐國壯山河黃樓入望多後時三五夕柰尔月

明何

人生七十稀

人生七十稀行年今已半事功貴及時遲莫復何算嗟吾  
夙多負失怙在童非詩禮思有聞飄飄辭祖貫慈親念衰  
緒猝亡營婚宦名姓係西班星霜亟徂換未築黃金臺長  
歌白石爛豈無同心契相望渺雲漢每虞 飈至摧折澗  
底榦異日偶班輸抱柯徒永歎

和杜仲觀青字詩二首

青袍少年子，獨出青門遊。逢人少青眼，凝笑望青樓。窓中  
青蛾女，正為青春愁。心事屬青鳥，青驄能少留。白馬青絡  
頭，青萍寶帶鉤。青溪流水急，獨上青翰舟。佳人青雀釵，手  
把青荷遊。慕君青雲器，青髮結綢繆。

送李主簿夾行之官河陰四首

夙昔一樽酒，相送清泗濱。回首歎四載，長安逢故人。交情  
久益淡，辭筆老如新。送子復西去，勞生悲重陳。  
古來英特士，往已沈下僚。念君鴈鵠姿，俯首棲蓬蒿。霜氣

歛陂澤，伊流纒半篲。舟行何以尉，酌酒誦離騷。

君才本高絕，流俗固難諧。桂生樛樾林，寧免相突排。勺稽  
諒多暇，簾箔蔽公齋。聖賢在黃卷，差可遣人懷。

少小縻一官，身世兩相補。為飽西復東，志願劣兒乳。不無  
同心友，頗厭折腰齷。寄語北山雲，異時吾與汝。

擬南梁慧侶法師猷杵禱衣

嶧陽銅杵鳴，蓮岳石砧平。待罪相應節，要自不勝情。吹衣  
風稍急，弔影月微明。會有出眠客，聽此斷腸聲。

擬阮步兵夜中不能寐

夜久不成夢張燈開故書清霜屏雲物有月來庭除良時  
悵難再不與佳人俱掩卷長太息望子城之隅

擬鮑溶寒宵歎

孤缸照愁眼明月知夜久  
螢亡月落牀撼亡風入牖美人  
悵何許寤言不相偶心寄南征鴻雲漢長回首

與吳智夫趙澄之同遊雍丘熨溪分韻得漪字

捨轡步平綠解衫俯清池微風度修竹琴瑟生淪漪梨華  
照晴影暖雪正紛披把酒又沈想况與玉人期

擬王少伯新興

西北雲悠亡東南日杲亡浪語問陰晴懸知行雨少桃蹊  
換青蔭風昔一何好臨牖思茫然微風動萱草

送陳傳道之官下邳

昔也官彭城日與君子親俱遊大梁下不見輒兼旬衣食  
牽迫人汗走長街塵相逢立馬語愁面如含辛朝來忽叩  
門頗驚黃綬新告我即東下得官淮泗濱方吾病中唱藥  
物苦殫貧故人復捨去此懷難重陳想見經舊廬節候屬  
蕭辰朝尋張翁豐暮投寇叔鄰二子亦吾好尺書坐因循  
交情定相訪為話正迷津

舟居阻雪懷寄舊好三首

時抱病之官歷陽舟次陳疇也

舟路五淮永歲寒冰雪深戍期良敦迫王畿方滯淫疲筋  
苦跼卧行葉長川陰雲物接平陸不見西飛禽風從城闕  
來如聞鍾漏音昕霽更東邁區區子年心寒洛未漸結東  
趨江海深舟人驚朝鼓斂絳長逗林端落滯雪沙際起  
鳴禽病客坐長歎攝衣涕流矜親用自茲遠可是暮山陰  
興盡莫回楫何人知此心云々晴川流丹々浮雲陰天寒  
日云暮魚鳥方潛沈吾豈厭安隱東浮違宿心一官未足  
養老境行侵尋牛歌感白石馬骨要黃金慙無子虛作萬

里懸知音

留侯廟下作

下卯冬阻水陳留抱疾殊困因默為禱歲暮疾平賦此具剋笏拜謁以償宿志也

文成念韓痛破產伺彊秦千金募健士椎斷屬車塵東去  
寔名姓浮游淮泗濱忍耻奉遺履得書何老人十年風雲  
會赤帝資經綸鴻門禍端結一言即解紛英彭既合繼楚  
項提孤軍備哉借箸談豎儒無復陳分疆餽兩將來若從  
龍雲釋怨俾侯印謀銷蛇豕群定都天府國推功歸奉春  
四老落吾術拂巾辭隱淪東朝羽翼就楚調徒悲辛出處  
能事畢致君終乞身豈眷萬戶封僅與蕭鬱均淮陰敗晚

節願亦非吾倫願訪赤松子逍遙雲漢津  
飯示終致爽震方上賓嚴祠鎮川湄  
餘澤及斯民客子老將至低徊冗  
從臣慙無應時策肝膈空輪囷可教固無類  
慨然輒求伸未應終萬古黃石獨能神

遊震壁蘭臯園

集賢張校理治此園以奉親

集賢昔榮養卜築循蘭陔深徑萬株合清池  
百畝開飛梁蔭蕙蒨橫棟跨崔嵬淮海劇紅藥  
瀟湘移翠莪岱松佩蘿蒿海石糊莓苔車馬遠  
驚眊魚鳥忘嫌猜病客倦舟楫尋春此裴徊  
閏年物候遲前日已聞雷薄景未晞雪東風新

破梅主人京洛舊枝屨容易陪指我良隰地方營  
秣月臺眼明壁間字醉墨題東萊短句頗清絕  
早推能賦才殷勤卷白苧為爾拂塵埃安得一攜手  
更傾林下盃酒闌話平昔豈復顧形骸行沒沒相遠  
人生信悠哉薄暮重回春長哦歸去來

題楊子王輅故居清軒

卜築負南郭塞開臨要津舟輿占集地奈爾獨清人  
坐上一樽酒江南千里春何須茂弘扇何患元規塵  
遊子感陳躅恍如平生親九原不可作歸老漫誰鄰

遊金陵雨花臺

与李延永同遊

迢々朱雀航飛蓋共凌越東風石子岡芳艸微徑絕生公  
法堂在清淮貯明月回認城郭遊春華爛晴雪長烟動江  
隩微雲泊山脇連牆去暎回白鳥屢明滅江山信清麗人  
物久銷歇戍堡定荒涼投身計何拙塵衫與汗馬端為老  
生設李侯朱門俊許與盡時哲俛首就微班剛腸頗摧折  
人生特眠飯似是此身切歲晚賦歸田非君復誰結

宿法惠寺

驅馬越飛澗揚旌下四岡歛見層浮圖高風振琅璫重門

杜且深老柏森然行佛子出延客投鞭步長節中庭汲新  
泉一飲生清涼孤坐興登覽危梯趨上方蕭々荒竹林簷  
外如環牆樵牧漸行徑龍蛇知所藏山禽喜喧囂曠侶何  
琅々子規特殷勤使人懷故鄉引領落西北暮色來蒼茫  
一官早見縻微尚以未償明發復東去斯遊良不忘

題香社寺平病湯泉

在歷陽西北泉下有石砂伏其下故飲之或浴者疾多愈因名平病湯泉

驪山御湯殿歲久玉蓮傾誰謂大江北有泉清且溫相傳  
白雲竇中閔丹砂英潔濯浹肌骨沈痾亟能平豈特滌吾  
足徑當深戒纓築廬俯泉上滌泳鳧鷗輕非復星塵經御

風朝玉京賦詩投楚澤用弔懷沙生

宿寶泉山慧日寺

日入不遑息驅車更之東回蹊出蒙密解袂迎春風  
何許來歷歷江南鍾嶺響阿蘭若虛庭月正中流螢逗深  
竹白鳥巢青松華燈耿翠箔瑤花擢春叢絕境美清夜况  
非塵界逢惜無一樽酒幸與之子同明發即南北浮生兩  
飛蓬

曉度黃葉嶺東谷懷寄金陵王居士閑叟

陰谷不寓暑風松朝露零乳溪逗綠篠琴筑聲冷白石  
漬金碧窅然沈列星酌此石上泉餽彼松下苓條欵振飛  
步豈徒制韻齡何須歷五嶽即蹈神人庭顧余方有役俗  
駕不敢停寄音采真子來卜白雲局

腰疼山浮圖下作

茲山非峻極名不載圖譜投策一攀躋未覺病腰猶蒼松  
帶寒日交陰層窄堵儼然黃面師粉繪色已古我貪五斗  
米磬折向此乳復著鞍馬勞疲筋劇管楚此身具金石能  
涉幾寒暑誅茅結圓廬宴坐此其所清心日焚誦庶拔未  
來苦望塵彼何人碌碌安足數

晚登柏子岡回望金陵懷寄鍾山泉禪師

晨征念王事驚駕煩屢叱既陟崔嵬高稍辭叢薄密鳥牛  
露宿露白鳥明初日清川解艫遲綠岸浮圖出緬懷秣陵  
遊曾綴秦淮絳曳鳥白下門供香金粟室得聞四句偈如  
奉三尺律損益非所知婚嫁行且畢庶幾追老龐薄暮微  
萬一誓將遷杞根待愛江南橘

歷陽十詠

麻湖

按縣譜本城邑漢明帝時一夕淪為湖

昔也萬家邑今為無底淵城郭浪遺迹人民安得全弔古

一回首薄暮愁風烟控溺不無意吾生後千年

鷄籠山

昔城將淪神獨告一媿使西走即攜籠鷄登是山籠化為石

楚媿昔莽逆餘生脫塵淪家禽不忍置信謂婦人仁室籠  
歛變化千載高嶙峋可待麻湖水復生桑下塵沉

濡須塢

按譜孫仲謀築偃月城以拒曹操即此塢也

孫郎昔鷹揚曹瞞方虎視敢忘版築勤遠挫兵鋒銳俄聞  
青蓋謠無復金陵氣六代迭傾止長江亦平地

過胡城

昔石虎南侵晉相王導築此壘以過之

狂胡昔憑凌濶步長淮外去此百雉城萬甲止要害時平



一登望江山互襟帶想像文獻公清風宛如在

當利港

王濬征吳乘便風趨石頭王渾指之不顧即此地也港通大江

龍驤乘上遊銳氣吞敵境風便趨吳京收功在俄頃平生  
負雄圖晚歲始獲驛何必傳鼎彝江山與之永

天門山宋孝武閱水軍于此因建二石闕以誇武功

天門東箭流北注據牛弩凌高駐翠華舟師耀威武當時  
侍帷幄誰復徵往古虞舜有苗征端為兩階舞

采石磯

東西兩磯相對李太白隱東磯

東西采石磯山水清絕漁舫與商舶今古幾沿越飄飄

翰林主長咲弄明月難訪物外游飛雲眇天末

百福寺

唐張籍之故居也有繪像存焉

文昌西郭居修竹閑環堵琴樽不復存青蓮開梵宇塵紛  
繪遺像粉繪才可觀拜真愧無言長哦君樂府

桃花塢

即張籍別墅張與孟郊載酒屢遊焉

種樹臨谿汎開亭望城郭當年孟張輩載酒來行樂斯人  
久埃滅節物今猶昨看取不言花春風又相約

平痾湯

見前一名沸井

文楚護清漪烟若溼冰玉澡滌起沈痾功參靈劑連荒唐

秦氏經瑣碎桐君錄利物本無窮何須塵簡牘

慶湖遺老詩集卷第四

古體詩下四十一首

三山 在金陵西南百里崛起大江之中昔王龍驤  
順流鼓棹逕造焉謝玄暉登三山望京邑即此地也

南朝鳳凰臺置酒昔高會酒酣望三山宛在青天外長哦  
謫仙吟如啖鯨鯢明日信東風孤帆出其背荒戍接江  
濱開門適相對鼎足峙長川不為舟楫礙雨暘雲吞吐早  
晏潮進退萬古免浮沉曾微板鼉戴伊余猷塵紛閉目何  
可奈爽氣豁矜靈山乎吾有賴嘗聞晉阿童萬鱗飛戈快

徑造此山陰滄波為之隘况我疲軟姿功名讓前輩勿暉  
昔憑眺物色頗有在他時挂衣冠刀劍行且賣山價略可  
酬庵樓謝當代遠持三山磯况彼七里瀨猶得傲狂奴吾  
無故人待。

望夫石

在當塗北山上

亭已思婦石下閱幾人代蕩子長不歸山椒久相待微雲  
蔭髮彩初月燿蛾黛秋雨疊苔衣春風舞蘿帶宛然姑射  
子矯首塵寰外陳迹遂忘窮嘉期從莫再脫如魯姝氏妾  
結桑中愛玉質委淵沙悠悠復安在

題烏江湯泉寄老庵

兩庵松竹深薄暮更微雨山禽不畏人嘲啗方對語而余  
倦宦者罷日今可數京邑夙所懷其如惡塵土行復念斯  
遊回頭悵何許

罷官有期懷寄歷陽朋好

迅雨蕩闌暑層飈披滯雲澄川繚楚甸新陽麗秋旻物候  
豈不嘉中懷愴離群親朋滿城邑繫滯此江濱及瓜信匪  
遙遂作河梁分何人具供帳樽酒展慙懃一聆雪兒歌載  
悽遊子魂津鼓警朝夢口烟生夕照所悲紫蘭纓復汙京

洛塵春風有歸鴈報我相思文

檝舟秦淮雨中寄侍其服之

蓬卑每礙幘倉狹總容席悽酸擁膝吟奈此風雨夕欣聞  
鍾漏旦懷彼南城客欲往從之遊塞塗沒吾履方君慕樓  
道願已淹行役後夜歲云除畸辰良足惜何當斤氣閉新  
暘被東陌壺觴殿兩驂聊取一日適

金山遊

輕舸放中濡岸遠春風壯檝師俯仰呼天水爭簸蕩吾方  
扣其舷聊饗小海唱稍回即東麓側磴懸屨杖危剝表層

巔疲筋口牽強斜滌繚複殿魚脊分背向放目四垠寬秋  
毫入吾望侵雲鐵甕壘崛起去緣傍映日海門山不帶滄  
波上吾雖百石吏平昔有微尚口得金山徒翦蘿開岫幌  
誓投桑榆年浮玉翁自况

金山化城閣望焦山作

朝登化城閣寫睇滄江東巋然瘞鶴山屏截橫流中雲烟  
生蔽虧水石相磨礱龍  
結巖腹天龍巖佛宮初無剝木  
智不與塵界通曠莽天地間勝事豈易窮將謀乘興人去  
此迎潮風可信浮桴約僅有由也同我亦念行役翻如征

北鴻他日一漁艇  
悠々浮玉翁

金山夜集招米芾元章不至作

芳洲擷蘭佩清夜  
棲寶坊晚風駕飛濤  
柱石搖長廊微月  
逗簷際助噉燈燭光  
黃童天下才疊々陳  
與章口歌間險語  
捧腹屢烘堂惜無  
盃中物可以延楚  
狂興闌半道去浪  
學山陰王明發吾  
將還滄波渺相望  
如何方外徒漫仕  
煩官倉端爾涼秋  
節白雲來帝鄉

廣陵山光寺夜集留別黃材昆仲

維舟山光步却領  
廣陵城十里春風  
外夾津芳草生漁  
篷  
微尾來愧爾故人  
情更下連牀語神  
房溫且清語闌檀  
自  
久淚燭剪復明徹  
樽兀相視酸涕流  
金纓我本山海士  
誤  
遭時網嬰出身而  
紀餘何等為浮名  
矧此一分首幾年  
當  
合并離憂如驚瀾  
蕩滴未易平踈親  
繫遠通斯言出荒  
儻  
音郵無禁限勤訪  
白雲兄

題崇勝寺無心菴

老鶴依林表孤雲  
寓山間結茅窮釋  
子著身如許閒有  
心  
即塵終無心猶石  
頑有無心併置日  
暮客來還

和錢適德循寓懷二首

悠々北山雲萼々東門草紛吾起故君與爾即遠道巔崖  
博錙銖得不償所耗寄語鄰牆翁歲晚從吾好  
魯酒味自薄楚歌聲更悲曾無忘憂用安事酒歌為西風  
激商序流芳迫衰遲寄語鄰牆客此非行樂時

題天清寺安上人北軒

南城繁茂臺維昔孝王築歌吟寂無聞萬楹照佛屋道人  
開北牖俯就百喬木八月鳴青蟬槐蛾委平綠客來借榻  
卧吹睡俄傾足踈雨隔斜陽垂虹跨長陸良遊悵遲後回  
謝三更酷瘦馬即華軒汗顏塵一榻昨非勿復道佳約猶  
可續載酒定何時新黃糝庭菊

感庭東

昔來華纂々遽許實離々西風會搖落行復見空枝歲物  
感流駛事功傷暮遲咄彼身後名前人端自欺書彈南山  
竹奄々定何知賢哉張生翰千載與心期

送表侄趙子億之官滄洲兼簡通守李延寧

吾昔遊浮陽童心初辦狂凌高瞰海日徑欲窮扶桑歲紀  
忽再周此圖竟莫償今適送子往臨風但彷彿之子公族  
秀祖基惟懿至成吾家宅相裂封復吾鄉汝翁同谷守視

吾猶鴈行後生古所畏之子未易量筦庫方試史事後須  
更嘗譬彼汗血駒藁齊即騰驥是宜勤夙夜動虞三尺妨  
勿憚川陸遙千里如鄰牆勿計弦晦餘俛仰度三霜邊朔  
昔云苦今歌海隅康正賴別駕賢不減晉王祥依投得吏  
師行見售所長為吾語故人曩契想未忘願致雙魚封繼  
以一鶚章

夏夜雨晴遣懷

積潦被廣陌誰過牛僧翁閉閣養疴瘵葉石收良工高齊  
俯嘉樾踈箔延清風左右列圖史披張俄一通從啜獺祭

魚聊學蠹書虫坐挹古人語孰云吾道窮浮生夢境間不  
蒂之驚蓬生死猶物化今昔賢愚同分陰賤垂棘白日莫  
再中薄暮紛泮澄寥々還大空為問此何夕涼蟾生自東  
荒哉西園士醜蓋追輕鴻行樂以至斯不知息微躬側聆  
天鷄鳴凡耳初破聲吾從汗漫遊適景鞭垂虹濯纓咸池  
淵晞髮若木叢親串不我忘惠音赤鯁公長哦賦歸來閱  
尔世上雄

寄題粟亭縣名嘉亭

少陵昔避地幽棲鳳皇川始願獲其所賦詩此終焉睠彼

美林麓蔭膏腴上田陽坡饒垂珠陰谷繁玉延長鏹勤采  
劓服食攀飛仙兵祿奪和氣力耕無善年林垌開冰雪白  
浹新庖煙鳴呼歌七章暮節西南遷環堵久蕪沒斯亭名  
尚傳茂宰愴懷古增崇殊過前彫甍揭長簾下容十客筵  
嫩嵐隔春叢清竹鳴夏蟬風月有高興寫之武城絃狂客  
屬虺廢篤筋難強鞭何暇遠登覽但哦鯨海篇尚苦八口  
累依飾同曩賢餘齡寄幻境未斷東西緣江淮米價平一  
舸去悠然幸此歲豐樂浮游吾所便異時訪陳躅復使後  
人怜

遊盱眙南山示楊介

介善方藥

霜晚無輕颺長淮淨如眼招携南山遊老子興不淺不從  
千步橋飛度一漁舸中流鼓素楫鱗鯁歛驚跳禪叟延遊  
客匆々問行色千里遠京関浮駟去安適長嘯指滄浪濯  
纓湔我裳朱門曳裾地槐柳自成行多年因軌板未立中  
人產沈痼迫衰遲求田咄何晚神丸儻駐延投此寄餘年  
鑿室鄰楊氏然新繫太玄

別盱眙杜輿

君希謝太傅築室卧東山應携玉人去為問何時還扁舟



欲之東霜落江湖慳難從京口渡且轉廣陵灣與君合渡  
離恍若愁夢間嬰疾再寒暑醫師憐我頑顏齡未遠盡解  
組誓投閒幽巖有芳桂晚歲約同攀

留別龜山白禪老兼簡楊居士介

汗尾望龜山人烟了可數長淮斷日風浩若千里阻舟無  
百石載兩腋憂渡艣鷁首盪頽波中流幾翔舞維梢追煦  
暮坎亡禪林鼓曳錫辱來過依然識眉宇青熒燈火畔再  
得親軟語多慙晚聞道忠義夙自許剛腸憤激際赤手搏  
豺虎過壯纏百痾餘生托兒乳羸軀假緩死豈復勝冠組

會約子雲孫西巖西庵主

題海陵開元寺樓雲菴

道人猶浮雲發彼玉屋岑朝見膚寸合暮為四海霖造物  
一截耳浮雲本無心永謝應龍召深棲復樹林蒼生熱惱  
地千載仰慈陰皎月示弦晦清風何古今誰舉甘露頌轟  
然海潮音支離病居士和以無絃琴

寄題潯陽周氏濂溪草堂

濂溪之水清未足濯公纓平生抱苦節成就此溪名長嘯  
置符傳孤雲歸思輕溪頭四壁居溪下百畝耕量波奉晨

盥課樵供夕烹希逢杖屨遊但聽絃歌聲為客剪三徑傳  
家通一經獲珠交照乘合璧倍連城被褐有餘樂問縑無  
隱情桂林兩枝秀借爾俗眼崇昔仰名父子今推難弟兄  
不應文範商遽謂公慙卿如襲帶鑰封母為權利傾地實  
寢丘比有力安得并勒詩高岸石敢告後代生

送周壽元翁西上

溧溪長子

露草蔓前庭微虫思明月宵分耿不寐懷我友生別舟師  
望箕宿綴幔須明發鷁首託歸風安知川路濶夫君青雲  
士行奉紫宸謁一鶚抉塵籠奮軒應霜節仰追鸞駕肯

傾孤兔穴越客寓荒城卑樓慕鳩拙衰遲積疴弊未死人  
事缺懶製一紙書寄聲彼朝列方今百廢舉衰職補何闕  
每自幸餘齡江湖傲華髮躬耕固難強五斗代薇蕨藜腹  
溯南薰蒼生解煩暍

題陶靖節集後

淵明不樂仕解組歸柴桑邈風北窓下坦腹傲羲皇儲粟  
既屢空乞食何惶惶有身即大患斯語聞伯陽顧我亦多  
忤丘樊思退藏慙無辟粒術圭勺耗官倉

補感寓詩

猛虎未出柙擾如搏鼠狸蒼鷹方在韝辱甚伏卵雖弭戢  
以遠禍孰云爾無知幸遭縱釋仁返謂人可欺豈復念前  
辱搖尾垂翅時擇肉斃儕類哉忍猶天姿吾將罪虞若奈  
何生致之南山有重阻鄧林無膠枝機穿與羅罟今也將  
安施

黃鶴樓

曹禧登仙嘗駕黃雀返憩于此

登真者誰子昔有費公禱白日玉書下青天駕鶴飛此地  
少留憇神標悵依仁振裾謝塵濁與爾方遠違層樓籠陳  
迹江山長四圍登臨羨商素雨氣薄西暉水落洲蒲嫩風

豪帆背肥飄然起遐想琳館闕巖扉明月識悠濶白雲疑  
是非金桃未遽熟籬露虞先晞高櫺西華表長招羽駕歸  
靈瓢立色劑定與遺民揮自顧芝山質延生猶可希力圭  
倘不恡如飽首陽飢

鸚鵡洲

在鄂渚南浦上

鸚鵡隴下鳥能語奇羽毛羅射巧相致瑠籠閨鑄穿長懷  
故園樹烟雨落空巢萬里遷澤國舟典勞正平托物  
賦健筆不停操千載訪陳躡晴沙葭茨高珍禽不復見慨  
想若人豪處士起河朔英風接時髦文章儼墳誥俛諱猶

詩駭兒汝命揚乳奴兵視劉曹奸雄可奈何東之投楚郊  
忤俗竟非命惜哉時不遭非無擇木智天下方滔也遺幹  
浪魚腹浮鳧誰復招近結屈平好佩蘭雜申椒遠慙子胥  
烈怒氣鬪秋濤空餘春草碧恨血滿汜臯

懷寄周元翁十首

周郎假污官我偶來憑居得閑定相遇談笑沈痾祛俄聞  
戍樓角曉引吹咿鳴自君居湓城恍如一夢餘復求若輩  
人陶窳搜璠璣誠為天下士豈特江漢無

周郎嗜茗飲偶與吾好同贈行發吾寶紫璧瑤雲龍此寶  
大官物分甘王公堂我曹百尺曹藜藿每不充詩人盍得  
嘗可以驕方鍾頤君間一歡千里共清風

周郎塵外人冰斃立寒玉去我千里餘炯炯長在日有德  
且有言可採篆練竹未為造物憐方掬斗筲祿司晨屬群  
鷄安事彼鸞鵠聊自况疲鴛鹽車不為辱

周郎妙雅道五字可人師許與非不嚴奈何取吾詩我詩  
如蛛虫徒增長年悲指疵固有望遂臭得無嗤詩鳴人必  
窮我窮豈可宜願君勿閱此晚節益經奇

周郎歸瀟溪旱燥害嘉穀仰飽百指餘嗷然坐空屋應書

乞米帖得繼朝來粥行陸大夫籍月賜萬錢祿振顯屬他  
年盤飧羅海陸毋忘佛子言不食大夫福

周郎西笑時疊寄函書情親語懇到骨肉所不如妙翰  
聘道放抵突黃與蘇黃癯曳羸筋蘇厚凝脂膚我於季孟  
間增少損有餘家鷄敢復道儲此橐中珠

周郎走王都馬足塵翻波賀老宦江夏無人驚雀羅出處  
躁靜間奈此貪病何平生解指誓晚境勿婆婆迫死不得  
休前言食已多尚敢厭閑冷歛為赴火蛾

周郎強仕年藥石母苦口得無耗天和湯劑禦衰朽空華  
與口色種<sub>レ</sub>竟何有妄愛溫柔鄉蕩然不回首坐令松桂  
姿凋脆等蒲柳幸勿易斯言前車鏡湖叟

周郎有史才班馬可並驅紛<sub>レ</sub>讒諂人畏君笔削誅我恨  
接君晚要亦君之徒况痾積歲月頽此留須臾志我壙中  
石賴君文不諛廢乎陵谷變名字見君書

周郎貫五華而復戢湖湘我亦非樂此西歸計茫<sub>レ</sub>頽年  
抱沈痾生理豈得長後期真何時存歿兩均忘懷君輒賦  
詩落筆聯十章它年一掩卷為我涕浪<sub>レ</sub>

開亭榜直節寵爾青琅玕歲晚傲霜雪不與天下寒挺立  
百丈夫被之古衣冠春華白粉澤正色莫敢干越客與登  
覽微吟復長嘆六鼇方抃戲靈海翻狂瀾倘逢龍伯公何  
憚剪一竿岐山鳴鳳雛又刷五色翰何以慰朝飢美嘗來  
加飡高材陋時用自持良獨難不願裁梁管伶倫非古官  
浪遭野王輩三弄為人歡願製殺青簡燦然添典丹褒貶  
約魯史終古垂不刊願此托根地辱哉久泥蟠

題潘大臨東軒

字晦老

陳公少荒誕一室未遽掃事功竟何成老魅死不早潘郎

治萬舍簞瓦無遺蚤庭砌蒔蘭萱未霜除惡草明窓幕輕  
素朝日上杲々烟蔓擢薰爐松腹浮墨沼著書板魯史百  
傳見脫藁賊亂久逋誅吾方力窮討不應兩觀下僅獲少  
正卯坐可驕素臣俾渠眸子瞭而翁晏退食筆削日課了  
伯仲咏南陔餘風颯林杪安知自娛適聊慰堂上老起居  
侍杖藜寒燠躬湯澡昏定仰屋眠是中亦大好

送咸寧令陳完夫移官吳郡

字保神

蒿萊東郭居長者車成轍禮經尚往來豈為我輩設臨分  
懷出餞津遠舟速發十月鴈啼寒滄波洒微雪送君一樽

酒孤飲。聊耳熱。會取屈平書。商聲歌九闕。開正到吳郡。陽  
暖張燈節。兩地見梅華。相思不同折。官閑羈縻。陳迹得  
搜閱。虎去丘隧空。燕驚宮火滅。廊傾罷鳴。簾蘭麝香徑。絕  
逮。故時人。唯餘劔池月。名城見圖繪。丹墨殊滅裂。細與  
賦新詩。長封寄天末。老狐首丘志。客子敢忘越。未死定歸  
東。柴荆晝長閉。右軍領妙語。年大不堪別。况復魚鳥情。飛  
沈方此訣。

和潘幽老漢上層目

白雲蒙山頭。清川山下流。芳洲采香女。薄暮漾歸舟。並蒂

双荷葉。逢迎一障羞。持情不得語。大婦在高樓。

慶湖遺老詩集卷第五

近體詩七十二首

○雨餘晚望

相應乳鳩鳴。桑間迺熨平。明津小舫度。高隴一牛耕。林藪  
歸心健。塵埃病骨輕。屈騷魂爽在。未許獨君清。

自訟

朝聽鳴鍾出。暮隨衙鼓歸。朝<sub>レ</sub>復暮<sub>レ</sub>是<sub>レ</sub>與非<sub>レ</sub>。跡寄  
升沉路。言投禍福機。何窮百年事。端使一心違。

待曉軒謁天慶作





望晚謁琳宮。荒庭霧氣濃。曾陪羽林仗。如待景陽鐘。薄宦  
情無幾。勞生夢不容。樵朋與漁伴。他日會相從。

送李易初還汝陽

客宦愴離群。徐方復得君。青衫初試吏。白面頗能文。畫舸  
浮春水。清樽醉舞羣。他年會相訪。分卧北山雲。

重送

夾岸雪初消。青丘見麥苗。傳聲汝陽客。已解木蘭桡。春水  
生張澤。春風動樂郊。良遊知不負。回首念無聊。

春書

新蚕經浴罷。舊燕未來前。吏局坐如夢。物華行可憐。藻生  
南浦釣。雨足東臯田。故國負歸約。塵埃年復年。

擬溫飛卿

露網朱甍上。風簾翠鎖前。宿衾熏菡萏。朝鏡拂漪漣。津潤  
銷金筆。香依撲粉綿。度閑凌陸子。撥恨十三弦。鸚鵡殷勤  
語。旗檀委曲烟。鮫綃乾玉筋。魚鑰限金蓮。團扇詎桃李。烏  
絲代杏棧。朱門長宵白。馬自翩。雞鈞三珠樹。徒拋七  
寶鞭。酒闌應有待。夢破即無緣。信鵲新秋去。孤蟾後夜圓。  
浪言牆外地。的是洞中仙。

快哉亭朝暮寓目二首

風起喜舒曠，徑趨城上樓。  
初陽動禾黍，積雨生汀洲。  
水牯負鷓鴣，山樞懸枯萋。  
坐慙真陰子，物我兩悠々。  
積潦際危堞，登臨西焙中。  
苔衣冒白羽，槐蔭懸青虫。  
不羨胡林興，無多團扇功。  
日窮猶起羨，演漾一漁蓬。

題張氏白雲莊

江左陶徵士，高風昔所聞。  
應慙五株柳，難比一溪雲。  
我有乘桴約，君方植杖耘。  
悠々竟何得，晚歲盍同羣。

賦得枕上聞鶩

朔吹飄驚鴈，寒聲徹枕前。  
遠遶沙漠雪，不下汶陽田。  
客夢悲中夜，歸期隔故年。  
莓苔與菘米，何處是湘天。

和人遊白雲莊二首

原野正春風，登臨一醉同。  
陰晴時未定，今古思何窮。  
山勢落還起，溪流噎復通。  
隱君方自得，可羨爾冥鴻。

可愛白雲翁，前溪棹釣蓬。  
耕樵一徑下，井臼四隣同。  
倦宦終何得，餘生寄此中。  
預煩多種秫，毋使酒杯空。

○早夏

吏役初無補，端令樂事妨。  
不知春遂去，但愛日何長。  
薄雨

梅含核。溫風麥擢芒。須容退食暇。一枕夢吾鄉。

辭酒

魯酒一樽薄。吾愁萬斛多。塵埃斬馬劍。滯酒飯牛歌。髀肉生如許。顛毛黑幾何。功名可復道。身世兩蹉跎。

送陳傳道攝官雙溝

弭楫想登臨。閑雲護日陰。青蒲泗水潤。古木漢祠深。應醉杯中物。誰聞澤畔吟。禪房養病客。輕別若為心。

遊滕園時氏園池

珍重西園主。開門待子猷。城隅樹交蔭。樓下水通流。鵲

鳴深竹。蜻蜒駐小舟。可能忘夢想。塵土滿徐州。

自鄆還徐道中

八月過新雨。行雲弄晚涼。山川乍明晦。禾黍半青黃。西去真何事。東還非故鄉。悠悠塵土裏。無路不亡羊。

早發王村道中寄李智父

鷄鳴戒徒御。驅馬度前陂。得雨人耕早。邊山日上遲。罷休復何道。會合邈難期。賴有西來水。悠悠慰我思。

暮投葛墟馬上

自決走千里。塵埃如有緣。慙無季子印。可換洛陽田。廣澤

鷹行去荒山，西脚懸長亭。猶未見疲馬，不勝鞭。

汴渠夜泊示畢紹彥祖

耿々度中夜，浩歌誰與酬。屋頭風卷岸，枕底浪遊舟。春物  
行飄急，鄉心久滯留。須明投吏部，一醉驛西樓。

丙寅舟次宋城作

水館四邊樹，登臨奈斷菟。黃花開小徑，紅粉哭高原。舟楫  
送新火，松楸老故園。斜陽一千里，依約是蘇門。

京居感興

為問長安客，何人識要津。長持一馬箠，浪走六街塵。城闕

烟中曉，關河雪後春。故園桃李在，樽酒願相親。

○ 玉津晚歸馬上

落日南城陌，東風禁火時。醉醒皆自得，單袷正相宜。綠樹  
侵高閣，繁花落曲池。未應判節物，可奈故園思。

西城有懷旧遊

西郭天泉里，依々得舊遊。綺羅經楚曉，管萬憐殊柳。碍  
鞦韆陌，萍沈被襟舟。華年勿復道，誰為駐東流。

苦竹村南馬上

楚澤薰風後，林臯夕照間。漁舫沿綠岸，鳥道轉荒山。夕負

杯中物長偷馬上閒悠悠白門路何日杖藜還

題諸葛洪田家壁

晚度孔明洪林間訪老農行衝落葉這坐聽隔江鐘後舍  
燈猶熾前溪水自春尤多遊宦興卜隱幸相容

酬桂林從叔

泛到三湘盡山圍八桂深龍蛇寒下蟄露霧晝多陰迢  
遞馳梅信殷勤訪竹林淮南風土美田滯亦何心

寄金陵倉官趙令翼通宜

歲律倏云暮王孫興可堪羨雲歸日下隨雁滯江南早濕

求長健登臨賴半酣西州眼中近畢晚寄華城

懷寄潘孝本兼簡其子言

潘景仁時遊宦嶺外

春色先梅嶺秋聲後桂林溪通五羊險雲近九疑陰無鷹  
雞達信有猿能伴吟一樽燒酒羨應對阿戎斟

送張商老西上

霧氣歛陂潭鼓聲催客帆蒹葭靡宿露鸛鶴盤朝陽行役  
自茲遠離愁安可忘黃華一樽酒何處望吾鄉

題烏江東隆山鄧氏亭

逋客今何許空餘接隱亭舟隨潮水上門背夕陽翳兔策

塵生蠹漁簑雨化螢題詩岩下石聊代草堂靈

登烏江柏子岡懷景仁

驅車柏子岡引首東南望孤戍帶寒日長江流大荒故人  
越五嶺旅鴈留三湘好待春風暖相隨還北鄉

宿黃葉嶺田家

聚落荒山裏畬田歲不登牛衣障隙雪鼠穴見鄰燈愁信  
魚難膜寒凝酒亦冰悵然歌白石推枕待晨興

遊六合定山真如寺

隻屐西歸遠何年此布金地寒蒼檜老歲晏白雲陰燒隔

溪水斷樵穿徑雪深祖心無處問俗駕晚駸

同道通師之香林

冰霜節候遲淮楚早春時白草風頭急黃雲日脚垂烏  
投古戍馬力倦長陂吾有官箴畏勞生爾浪為

題烏江丘氏昆仲歲寒亭

新浦移根遠蒼然對兩翁開門三尺雪仰枕一亭風東郭  
顏何厚西來意莫窮未應輸狹少釀酒待春叢

送左禹赴江夏尉

汎汎青翰舟亭上黃鶴樓江山信清酒人物想風流美酒

遣歸思新詩題勝遊有魚知不食端作置書郵

高望道中

積雨漲陂塘田塍插晚秧遠山宜薄莫高燕弄微涼馬革  
非吾願魚飡饜此鄉歸期知近在猶待菊花黃

湯泉道中

青石岡西下靈泉產葉苗山英如有待木客可相招蟬帶  
風移樹塵隨馬度橋颺鞭吟舊句歸路不知遙

留別王椽元胥

之子貫東牟青衫試宦遊顛非小賀比奕自阿戎流未即

芸香拜俄先瓜弋秋孤蓬別復思霜月滿滄洲

樣舟當利口待風累日懷寄城中朋遊二首

一葉寄津口怒濤安可乘朝風占酒旆夜爨乞漁燈牛渚  
逢新月秦淮想結冰故人他夕夢歌吹滿金陵

離憂不可解羅酒獨登臨潮落江空濶雲繁歲晏陰愁鴟  
守漁罨怒犬突神林觸目增悽斷聊為澤畔吟

重別王椽

別訪難遽了不知寒夜長回燈撤盃案抱被宿舡倉載聽  
遠鷄唱稍分征鴈行臨風滿袖淚冷落一衿霜

投宿清涼寺

建業衣冠集秦淮舟楫比東西萬里客朝暮兩潮渾何處  
契心賞片時清耳根僕夫浪見問但出石城門

金陵懷寄王椽

征虜亭邊路望夫山下舟長江不隔夢明月祇供愁促席  
歌塵斷閣窗醉墨留惜芳橋畔柳誰繫木蘭舟

○秦淮夜泊

官柳動春條秦淮生暮潮樓臺見新凡燈火如雙橋隔岸  
開朱箔臨風弄紫簫誰恰遠遊子心旆正搖

鍾山法雲彥上人留中食罷遊草堂寺

弭楫秦淮尾登臨殊興迴難銷蔬飯飽更過草堂來日轉  
嵩扉暝風披蕙帳開吾非海盃令猿鳥莫相猜

酬別彥上人

將別徧門師殷勤訪所之五湖懷北闕鷗鳥恋南枝朝隱  
非吾所山英不汝欺明年東下約春水漾蘋時

易官後呈交舊

當年筆漫投脫劍氣橫秋自負虎頭相誰封龍領侯仰辭  
噲等伍濫作詩家流少待高常侍功名晚歲收



辛未龍興節日懷寄王椽

昨歲東溪口扁舟欲下江伴愁燈映幔欺睡月侵牖漫寄  
書連紙誰同酒一缸何當見之子聊使我心降

廣津門東馬上

津頭落帆鼓薄暮尚蓬鬢疑是秦淮口扁舟醉夢中不堪  
隋岸北塵土一鞭風傳語端能否伯勞飛自東

久病寄二三親友

早昧攝生理百勞成至真藥靈翻佐病詩癖竟窮人終負  
黃墟恨長遠白首親一囊安可得四壁未應負燈下塵編

編泪風前墓草春倘忘鷄酒設腹痛勿多嗔

秋夜聞雨晨興偶作

故國心馳北扁舟計漫東寒生一夜雨病涉兩秋風落泊  
籬根葉幽憂屋角虫何情悲節物聊自况衰翁

謝米元章見過

為雍丘令

今古兩妙令雍丘與太丘當時號清白後日想風流吏  
齎庭陰午農歌野色秋吾非荀氏老愧爾德星流

留別米雍丘二首

明缸通夜語累塊寫胸中水癖推劉令書名浼魯公忘猜

悲懷鼠逐熱賤雲鴻不乏佳山水東南著西翁  
好住楚公子山林何處逢官身須自乞俗眼可相容叔夜  
嬾猶鍛伯鸞傭且春多慙方祿隱爾汝傲吳儂

寶應夜泊

伏枕漳濱後維舟楚澤邊筋骸非壯日節物迫窮年夜雨  
侵牀漏晨炊湊鼻烟勞生我其分十口亦飄然

題甘露寺淨名齋兼寄米元章

日出天垠露江橫地軸分馳年悲落木羈思託行雲重掃  
淨名室長招漫仕君悠々德璋輩未辦勒移文

龜山晚泊

春候半寒溫維舟淮上村長林補山豁青草際潮痕夕歎  
浮家役重招去國免禪房欲舒寫烟雨促黃昏

歲暮舟居

野泊歲云暮念歸期正賒津童為過客商舶是鄰家雪密  
魚依罨潮迴蚌委沙南州人健否不寄早梅花

寓泊有懷杜修撰名絃

幕捲歌鬟列堂深審炬笑臨風鳴羯鼓待月敲鞦韆短韻  
吟牋出長簷醉帽偏斯人遠薄俗何減孟公賢

舟發金陵望歷陽作

尚識歷陽道依然西照閭風烟石磧成林麓楚王山隔水  
一凝佇當年百往還誰憐躍馬客衰病再投閑

江行寫望

斜暎侵疎箔微涼逗小憇青蒲故依渚白鳥屢橫江遣興  
詩三百剪愁觴一獲前舟定未遠疊鼓聽逢

卽官湖

當年賢守令載酒沔南遊涼月呈新霽明湖涵素秋卽官  
夏口使仙客夜卽囚促膝青蠅舫連觴紫綺裘高驪隨雨

散餘踴想風流芳草失青屐滄波浮白鷗江吞百頃盡石  
刻一篇留宜有沈碑者前懷陵谷憂

題寶泉官舍壁

寶泉監在夏卽城東三里黃鵠山之陰

偶著強名字非才但鑄金不妨稱外監况復任山陰勝日  
聊披卷清風故解袵餘生偷祿隱何等是升沉

江夏寓興二首

風與檣鳥便儂先塞鴈來山經七澤新潮自九江回漁父  
猶知隱騷人枉銜才朋遊正相遠梅信為誰開

陂湖盛坊市江漢復縱橫沮洳莎城帖晴暘竹瓦鳴新文

添鵬鳥異味識龜文豈復悲流落官糧寓此生

九月十日寄潘邠老

明月昔如許懷人殊不來徒歌桃葉曲又負菊花開尺紙  
緘愁去扁舟載夢迴它年鷄黍約千里信悠哉

送蒲圻陳主簿彥昇歸越

字登之

好在稽山北因君訪故園風流又衰歇湖水自清渾可得  
千秋觀相傳百代孫時聞祖客不減漢東門

送金檀慎令璣

字獻玉年少寡欲嚴于奉佛

清素復多聞天涯晚得君相延蒲塞饌細演具多文世味

淡如水身謀散勝雲謾為花縣約聊慰此臨分

寄題盱眙杜子師東山草堂

東山與物遠松竹蔭茅茨信有冥鴻志難藏霧豹姿會招  
安石起何患德璋移後日常扉下遊人想履綦

慶湖遺老詩集卷第六

近體長句上五十首

上巳有懷金明池遊賞

西城小雨宿塵消。春水浴<sub>七</sub>拍畫橋。拾翠汀洲白蘋發。披  
香宮殿紫雲高。綵舟日晚綺羅醉。油幕風晴絲管焦。使少  
朋遊應念我。一年佳賞負今朝。

贈張士元

字善長

夫子長貧五十年。七來生事更茫然。青衿稚子彼何有。白  
首故人誰見憐。霜後鶉衣寒綻線。日高魚釜凍無烟。允官

猶愧蘇司業不得時上送酒錢

雨積西郊

城中歇雨過清和。偶出西郊野思多。蚕簇趁晴初摘繭。麥  
場經潤欲生蛾。營巢黃鳥啼深樹。引犢青牛飲暮河。先圓  
念人留罅。又挽衣沾酒。願相過。

寄周文清

節物驚心不我留。故人相望海邊州。菱荷老盡池臺晚。鴻  
雁來多雲漢秋。誰共清樽尋樂事。獨將長幅寫離憂。明年  
芳草青門道。好試青衫伴使遊。

寄王岐

未從名宦兩蹉跎。可但詩狂與酒魔。紫陌塵埃日馳逐。青  
樓燈火夜經過。當時豪縱年方少。今日踈慵病更多。唯見  
凭欄復欹枕。往來方寸奈情何。

和荅鄭郎中見寄

客子由來懷故鄉。蘇門冷落白雲旁。夢隨夜月鍾前斷。詩  
入秋風草共荒。操板鎌靴遊宦歇。開樽揮麈舊歡長。派川  
逸老應相念。為倚欄杆向夕陽。

和田錄事君義詠雪

千里龍沙失舊荒，四來雲物助蒼涼。直疑見月應無影，未必因風始解狂。枉費鉛華，楚女不禁湯餅。試問郎回中，自是人間世。怱悵龜臺去路長。

新燕

新巢故國西依日，似與春華秋葉期。雨過池塘得泥近，日高臺榭卷簾遲。鞦韆節後初相見，袂人歸有所思。雙侶多情擬憑仗，小牋封就碧雲詩。

冠氏縣齋書事

小閣燒香煎麝濃，翠苔庭院綠陰風。卷簾燕自復飛去，款

枕人方半夢中。秋鬢先於懷縣令，春愁多似義城公。西園酒伴無消息，欲寄魚牋水自東。

冠氏寺居書懷

古刹荒涼晝殿門，鳴鷄吠犬接西村。窓間自記曾歸夢，樓外誰招欲斷魂。漫汗新詩題琥珀，少選佳客佩蘭蓀。更堪愁肺經春病，負爾商歌酒一樽。

題彭城張氏放鶴亭

亭有石刻蘇眉山製文

曾見君家亭上碑，東望風月動閑思。昔無卜築如相待，今遂登臨是不期。萬頃白雲山缺處，一庭黃葉雨來時。許昌

應負重泉恨當自陽春枉賦詩

九日登戲馬臺

當時節物此山川倦客登臨獨惘然戲馬臺荒年自父射  
蛇公去事空傳黃華半老清霜後白鳥孤飛落照前不與  
興亡城下水穩浮漁艇入淮天

九日呈李成父

城中霧雨晚冥冥坐失城頭百尺亭行樂固知非我事苦  
吟猶得有君聽未應白髮饒新貴任使黃華笑獨醒異日  
肯尋鷄黍約太行長逸故園青

題彭城南臺寺蘇眉山詩刻後

秋風幾度老江籬鼎水眉峯隔夢思下走誤傳宣室召上  
前誰進子虛辭東坡麋鹿回三徑西掖鵝鴛占一枝獨有  
野僧遺世俗翠珉新勒舊詩題

春懷

東風吹雪陰復晴西日冉冉林間明著水苔衣漸涵綠向  
陽竹鞭初引萌官糧得飽酒不足春物有意人無情馳書  
相謝五陵使汗板塵今半生

登快哉亭有屬



南浦東風拂水文汀洲芳草綠羅帳桃花舊葉應相望楊柳新聲我獨聞酸鼻可怜香欲絕斷腸不待酒初醒斜陽歸去書窓下一幅畫牋賦夢雲

和彭城王生悼歌人貯

東園花下記相逢倩時偷回一笑濃書籠尚絨香莖菟鏡奩初失玉芙蓉歌闌燕子樓前月魂斷鳳凰原上鍾寄語虞卿謾多賦九泉無路達魚封

臨汲亭送客還馬上作

袞上塵埃與願違可堪持酒送將歸壯心已服駕駘老羈思嘗先鴻鴈飛十口無厭太倉粟四鄰分采故山薇何時偃卧柴桑里自訟淵明昨日非

送彭城周主簿建中移黃縣令

客宦逢迎泗上州酒籌詩卷慰淹留九層燈火偃王塔四面溪山彭祖樓此去君辭樓棘地年來吾有負薪憂終期一過河陽縣相對春風話舊遊

寄題狄丘官舍東齋

李偉字子微

樹竹開窓小屋東低簷却日竹通風長年馳騫欲何往終日退藏於此中未厭睡魔常有在若思人事即無窮躬耕

不是悠悠計來作蘇門鄰舍翁

○○○病後登快哉亭

經雨清蟬得意鳴。征塵起處見歸程。病來把酒不知醒。夢後倚樓無限情。雅帶斜陽接古刹。草將野色入荒城。故園又負黃華約。但覺秋風鬢上生。

送李宗古錄事謝病南歸

十旬病免謝鷄群。收得閑身付白雲。南浦少留別賦北山相待敢移文。松舟檣檝晚將發。菰葉鱸魚秋未分。異日有懷長咲客。西飛燕子一相聞。

汶上留別李智父

一馬西投汶水濱。自驚愁鬢帶塵紛。秋風盡日吹黃葉。心事經年寄白雲。去矣尺書勤訪我。醉來樽酒強醅君。北窓絡繹寒聲急。明夜傷心獨自聞。

荅陳傳道

吾家季真登大蓬。我為斗筭來寶豐。公乎時以監呼我。自笑名同實不同。樽酒相望今夜月。鱸魚又負一秋風。少須婚嫁匆匆畢。會買扁舟下浙東。

懷寄寇元弼

君投莞庫可知非，我飽官糧又願違。  
舊國秋高鴻鴈過，長淮水落白魚肥。  
西風吹夢端相覓，南物留人也念歸。  
何日蘆軒下，雙榻滿持樽酒洗塵機。

招寇元弼兼呈白雲莊張隱居

長缺長缺歸來乎，十口想疑淮南魚。  
遊宦非啜飽而已，浮生且問樂如何。  
定無佳客清樽酒，賴有古人黃卷書。  
我亦塵埃同病者，與君長媿白雲居。

荅王文舉

范也塵土欲安之，珍重吾人箇處期。  
綠野相隨一藜杖，青

山正對兩茅茨，自恰倥傯負平昔。  
尚敢婆婆臨暮遲，弟恣阿戎猶喜仕。  
他時不與五君詩。

題淵明軒

淵明新榜揭門眉，夫子高情俗不如。  
未仰秫秔供歲計，本於松菊有心期。  
卧來不淺羲皇興，歸去何慙鄉里兒。  
窓破簷傾從此始，祇應風月解相思。

將發彭城作

四年吟笑老東徐，滿目溪山不負渠。  
得米徑須償酒債，有田便擬卜吾廬。  
明朝門外扁舟雪，別夜燈前滿紙書。  
會問

匆<sub>レ</sub>解携客相思命駕定何如

留別張謀父

三年官局冷如水炙手權門我未<sub>レ</sub>能  
賴與白雲之隱者不  
談黃卷即尋僧蕭<sub>レ</sub>簾箔風披竹草<sub>レ</sub>盃盤雪酒燈塵土  
浮遊浸相遠吳魚燕偶兩難憑

留別寇定

不見步兵今一秋年來復與仲容遊  
蒼顏白髮慙衰暮  
縱飲狂歌作輩流  
傾我宦情真漫浪  
為君行計幾淹流  
能  
尋三月皇州約  
拍手同登賣酒樓

永城邂逅周元通再索詩贈別

沈<sub>レ</sub>流萍菘<sub>レ</sub>蓬<sub>レ</sub>偶<sub>レ</sub>然<sub>レ</sub>南<sub>レ</sub>北<sub>レ</sub>偶<sub>レ</sub>然<sub>レ</sub>逢<sub>レ</sub>一樽通濟橋邊酒  
西  
夜臨淮驛外鍾行矣風波宜尚慎  
歸哉塵土不相容  
事功  
早立須知退  
學稼他年訪老農

寄題泉南陳氏步雲亭

紫翠峯前水一灣  
趣亭微徑白雲閑  
漁樵不見携筇去  
後  
鶴相隨采藥還  
晚月帶潮來海上  
春風吹雨到人間  
恨君  
輕為蒼生起  
曾得東山幾日閑

題永城縣園水亭

詰曲池塘碧玉流，禊亭孤占小汀洲。  
長紉座上芳蘭佩，不繫簷前畫鷁舟。  
好泛羽觴修舊事，為書蘭紙寄清遊。  
待得東還日，初見紅蕖十畝秋。

同畢紹寓泊永城招李深昆仲

滿城楊柳正黃繁，幾處鞦韆出短垣。  
經雨河流失清淺，帶雲春色乍寒暄。  
從來嵇阮敷琴酒，况得機雲好弟兄。  
尺牘津亭望齋館，杖藜相過莫辭煩。

送畢彥祖先之京師

日北東風吹早雲，弄鞭低帽送西曛。  
客亭五里復十里，春物三分今二分。  
但解征衣平酒債，莫隨肥馬作塵紛。  
扁舟不及清明約，紫筍朱纓未負君。

將發永城題李氏齋壁

匹馬扁舟寄此身，可憐投老尚迷津。  
黃塵是處隨遊子，明月相逢即故人。  
東道琴樽能惜夜，西園花絮欲傷春。  
分攜後日匆匆去，燈火虹橋夢更頻。

京居春日

青梅小葉柳長條，相對春風各動搖。  
物色依仁如有待，人情忽已自無聊。  
五陵劍俠知誰健，三徑車工不我招。  
好去

廣津門下水新舛隱送木蘭橈

送趙令時之官陳州

朱衣白馬懿王孫  
將去淮陽事相君  
已放扁舟下南浦  
更持樽酒醉西曛  
青雲計自此行始  
明月惜從今復分  
擬仗短書裁不及  
但傳窮達報知聞

汴上有懷李易初

何處經行特惘然  
津頭曾送木蘭船  
桃花春水生前夜  
楊柳秋風憶故年  
驛路尺書疑斷絕  
官倉斗米愧留連  
飄飄復作江湖計  
從此長安是日邊

肅宗室令率惠墨

窮煤新剗黝而堅  
誰謂奚生法不傳  
信是文房希代寶  
益知公子過人賢  
蔡中郎老喜飛白  
楊執戟窮耽草玄  
雅意肯要瓊玖報  
十九聊以助我顛

陳留南城馬上簡李公年

南郭何人卜築幽  
平日高樹帶清溝  
隔牆野鳥啼晴晝  
駐馬行人更白頭  
二頃難尋歸老計  
一樽且結探春遊  
步兵不惜供厨費  
更作東風數日留

金陵寓泊尋王荆公陳迹

晚泊扁舟一問津。依然節物思羈人。泛山月。照六朝夢。桃李風吹三月春。宅枕謝公塹。下路詩尋蕭壁。寺間塵可須樽酒。平生約。長望西州淚滿巾。

答孫休兼簡清涼和上人二首

聲迹相聞忽此逢。杖藜蕭散一相從。平生詩酒真吾事。何處江山不爾容。芳艸自生南北路。孤雲難繫往來蹤。異時荒戍長回首。風送石城樓上鍾。

渭北人遊楚水東。論詩說舊偶從容。鄉關此日幾多遠。春酒與愁相勝濃。且免牛衣愧妻子。莫將羊酪詫吾儂。哀王

孫賴彌天釋肯學。揚州飯後鍾。

春懷有寄代同行作

未應一咲為千金。且解樽前綠綺琴。歸雁不將書北去。行雲長伴日西沉。楚蘭徑遠飛黃蝶。湘水簾空對綠陰。無復賞心酬節物。斷腸翻詠白頭吟。

送潘景仁之官嶺外兼寄桂林從叔

夜銜舟尾晝聯檣。齊發都門到楚鄉。我欲塵埃投袂。君方湖海去茫茫。傷心客路逢寒食。回首家園但夕陽。想見步兵應訪問。仲容無復竹林狂。

同王克慎宿清涼寺兼示和上人孫安之

王字周臣寺有白雲上方

六代風流不可尋，石頭勝槩古猶今。  
踈鍾蒼響近山迥，啼鳥忘形松竹深。  
借問白雲誰卜築，擬要明月共登臨。  
終投逸少興，公社蔬粥麻衣事道林。

答王拙見寄

王字闕叟

好在金陵王隱君，尺書忽與我相聞。  
尊鱸久負秋風約，猿鶴終尋舊日群。  
橫笛吹南浦，杖藜笑度北山雲。  
六朝陳迹何須問，一曲滄浪酒十分。

慶湖遺老詩集卷第七

近體長句下五十首

寄別僧芝

吳僧法芝字曇秀錢氏

不見江南湯惠休，芝錢今也嗣風流。  
燒香弄筆一生事，躡屐佩囊千里遊。  
乞酒未還黃菊晚，擬詩初就碧雲秋。  
臨高跂望君行矣，從此安期始欲愁。

度黃葉嶺懷寄清涼白雲菴主

黃葉嶺頭黃葉飛，白雲菴伴白雲歸。  
葉隨遊子終相失，雲伴禪翁得所依。  
會解腰間斬馬劍，肯尋江上釣魚磯。  
焚香



掃地雙林下，願贖今生種。口非

與張歷陽追懷從禽之樂

宜秋門外養鷹坊，好草坡頭射雉場。油幕檀盧張野飲，錦袍貂帽結戎裝。興闌落日黃塵斷，夢後西風白髮長。誰念江湖獨流寓，此情難話與漁郎。

歷陽姚下馬上有懷京都遊好

楚澤初冬正穫田，孤鴻欲下却翻然。人烟隱約青山郭，雲物離披小雪天。送別盃盤猶昨日，勞生鞍馬遂窮年。故人多在金閨籍，誰念心如寸斷絃。

烏江石鼓背晚望有懷故園

山色相銜巖太行，江流東去亦淪黃。鱸魚膾美招來客，鴻雁書遲夢故鄉。五斗月支何足道，一帆風便可能忘。歸田有計非今日，莫把移文揭草堂。

登烏江寶泉寺南山望金陵作

我愛金陵望不厭，獨尋微徑躡晴嵐。柔霜淺泐三月尾，湧塔窺樓一水南。苒苒流雲牽彷彿，遲遲豔日助醺酣。何須拊手歌桃葉，已覺王郎思不堪。

烏江東鄉往還馬上作

黃塵隨馬染征衣，十里江皋送客暉。  
廢井艸荒龜兔怒，下田沙漲芋魁肥。  
解纓拂樹弄清淺，橫榻掃雲飛翠微。  
人生事已不如意，終日念歸何日歸。

送歷陽潘司戶瑤移令歸東魯

哀俗紛々務近功，幾人心迹與君同。  
依徊州縣青衫列，踴躍聖賢黃卷中。  
牛渚江山空夜月，河陽桃李再春風。  
相望魯衛無多遠，異日能尋賣藥翁。

再送潘仲賢兼寄彭城交舊

風雨扁舟幸少留，為君持酒話徐州。  
白魚紫鱖殊初美，戲馬飛鴻夢屢遊。  
二阮年來知健否，季真老去盡歸休。  
白雲庄寺多閑地，不惜橫刀直換牛。

九日懷京都舊遊

昔年九日登臨處，把酒梁王舊吹臺。  
今年九日登臨處，江上黃飛殊未開。  
一川落日隨潮下，萬里西風送鴈來。  
節物可驚人更老，宦情歸計兩悠哉。

戲荅張商老

楊子江頭兩信潮，送君西去木蘭桡。  
依已暮雨鴛鴦夢，嬾已春風菡萏梢。  
細字碧牋隨雁到，朱簾小戶抵天遙。  
長安

觸緒牽情地不特魂銷骨亦銷

題定山寺法遠上人壁

支郎風味喜相親。乘興來尋雪後春。夾道竹陰疑礙馬。隔  
江。山。色。似。招。人。豈。無。暇。日。容。高。卧。如。有。閑。田。願。卜。鄰。預。約  
東。城。二。三。子。歲。時。相。遇。莫。辭。頻。

自歷陽泛江至赤埭訪別曹解

我訪故人不待招。滄江謂廣總容舸。離城五點寒更急。著  
岸。兩。竿。晴。日。高。別。來。書。尺。正。坐。懶。先。去。鞍。馬。何。堪。勞。明。年  
淮。上。更。携。手。醉。步。卧。虹。千。丈。橋。

再由赤埭有懷曹夢得

江上顛風倒客檣。江豚舞浪卷渾黃。故人漂泊知何處。何  
日。平。安。到。故。鄉。野。色。蒼。茫。春。尚。淺。夢。魂。慄。恍。夜。仍。長。可。無  
百。斛。兵。厨。醞。此。段。離。憂。未。易。忘。

宿芥堂佛祠

青心麩麥欲抽芒。浩蕩東風晚更狂。微徑斷橋尋古寺。短  
籬。高。樹。隔。橫。塘。開。門。未。掃。楊。花。雨。待。曉。先。燒。柏。子。香。底。許  
暫。忘。行。役。倦。故。人。題。字。滿。長。廊。

送果仲平西上

吟鞭西指鳳皇州。好趁華年訪昔遊。新樣春衫裁白苧，舊  
題醉墨滿青樓。鳴蛙雨細生梅潤，颺燕風高報麥秋。須念  
江邊桃葉女，定從今日望歸舟。

烏江廣聖寺虛樂亭

避雨孤蓬泊柳陰。潮回溪曲稻花深。有時白鷺窺魚下，竟  
日青蠹伴我吟。酒敵無人情落莫，雲鄉何處老侵尋。誅茅  
擬卜終焉計，不為清風暫解襟。

烏江北道中作

寒麥田疇雪糝花。暮潮洲渚水吞沙。鳧鷖長作漁舟伴，桑  
柘深藏老圃家。濁酒縱賢誰與醉，青山有價不容賒。南來  
學得滄浪唱，却著征衫袖馬槎。

烏江泛舟寓泊

滄江浩渺寄星槎。望極終天兩眼花。但見潮頭漲木杪，直  
疑山背落天涯。鷗夷信得平生樂，仲御尤宜抵死誇。僉父  
慙非能賦手，漁郎若個是詩家。

遷家歷陽江行宿泊黃泥潭懷寄馮善淵

黃泥潭口棧征篷。回指東城祗眼中。半宿鳧鷖先覺雨，連  
江蒹葭自生風。青燈解作無眠伴，白醪難招一醉同。何時

穩坐飽麤飯，鼓腹東臯農父吟。

放舟下汜留寄王元胥

檜楫淹留已涉旬，小窓猶得酒相親。  
寒潮不應溪流澁，病客未行舟子嗔。  
揮手便分今夜月，斷腸先見隔江春。  
鳳凰臺上長回首，何處高城與故人。

興龍節日渡江懷寄二友弟兼示同行

燕庭剋佩拜爐香，九劍紛心想定場。  
江上烹魚猶得信，座中驚鴈已離行。  
澆愁酌一樽酒破，睡咿啞兩艣牀。  
不特賦詩懷二仲，故呈元韻惱支郎。

訪金陵王閑叟不遇留別

歌成五噫賃春者，藥不二價奪牛翁。  
衰俗何知貴公子，清貧頗有昔人風。  
君方上馬渡沔去，我適乘舟投剡中。  
差池相失重回首，好住海鷗忘塞鴻。

題金陵長干寺塔

南國長干古佛祠，浮菴驚瓦碧參差。  
欲追三閣登高作，非復六朝全盛時。  
簷角西風掛星斗，牆陰寒雨嘯狐狸。  
劫灰終換人間世，石甃金棺好護持。

題金陵天慶觀鍾阜軒

霞雲靡不著，闕薨開處見人間。斷牆廢井連東第，白塔青松對北山。昨夜桂娥拜月去，經秋芝蓋御風還。玉虛真籍家聲在，再熟金桃願一攀。

再酬訥師兼簡清涼和上人

莫謂功名是可希，定知求法不求衣。此身于世百無用，異日與君同所歸。遮眼何關黃卷在，安心更悟白牛非。清涼有道平如掌，豈比他方大鐵圍。

阻風白鷺洲招訥上人

鳳凰臺下鳳凰巢，白鷺洲邊白鷺濤。舟未解維先望見，風

能傳語更相招。江南春物為誰好，淇上歸心不自聊。何日結茅鍾阜尾，幅巾相對一方袍。

晚泊長蘆有懷歷陽金陵朋好

犀奩亭邊雨艣催，鳳栖臺下片帆開。龍盤虎踞行遠矣，牛渚鷄籠安在哉。無端鞍馬三年役，有意尊鱸異日來。樽酒故人誰待我，故應風月尚徘徊。

上巳晚泊龜山作

薄暮東風不滿帆，遲遲未忍去淮南。故園猶在北山去，佳節可怜三月三。蘭葉自供遊女佩，芸編聊對故人談。洛橋

車騎相望客曾為吳兒幾許慙

揚州叙遊

迷藏九曲屬樵耕野草閒花故有情  
廢苑春風遽如許隔  
江山色可伶生新聲度曲復誰道  
古井酌泉聊獨清杜紫  
微靈定相笑青樓薄倖不知名

和錢德循書懷

咄嗟世與我相踈歲月推排負壯圖  
狂客大難兼外監方  
回小得勝常奴胸中累塊亦何有  
南上督郵非所須徑買  
一舟歸自好五雲溪接當家湖

席上呈錢德循

寒華纂<sub>匕</sub>桑葉肥老蚕起眼雖雀飛  
南隣買酒勸行樂越  
客廢書歌式微式微<sub>匕</sub>胡不歸  
明日會知今日非舊溪  
手種水楊柳長與秋風掃釣磯

壬申上元有懷金陵舊遊

瓦官大庭千步方燈如流螢月如霜  
高僧共禮旃檀像遊  
女來焚薰陸香舊國破止何物在  
少年逐樂箇儂狂別來  
白社更牢落回首衡湘春夢長

送周元通昆仲官蜀

周郎弟兄皆可人，外朗內潤連城珍。  
樽酒逢迎記梁宋，駘樂遊須念我青衫白髮倦行塵。  
京

夢遊金陵設堂故基

燕堂遺址壓西州，剪徑捫蘿出石頭。  
老木駸駸太相逼，連崗衰草欲東流。  
歌鍾誰話前朝事，風雨魂驚別夜遊。  
夢境浮生更多病，結茅歸老信悠悠。

寄清涼和上人二首

吾家無擔石之儲，朝四暮三如有餘。  
北岳官糧飽妻子，南

朝僧寺寓圖書，迎舫春色情親我。  
坐馬京塵笑謝渠，莫作汜東步兵待。  
灑然端不為鱸魚。

南國風流百不存，石頭今是給孤園。  
山連雉堞猶侵路，潮送漁舟自到門。  
方丈定容居士病，貝多應待客兒翻。  
懸知後日逢迎際，桃李春風兩不言。

寄李趙二女生

東風掠地百草青，顛毛餘幾今星星。  
長年嬰疾斷還往，無處避愁徒醉醒。  
駘馬尋芳狹斜道，銜舟待月滄浪亭。  
遙輸此興二公子，漲海未應沈一萍。



呈李之儀

淹卧疲筋快曉晴。屋頭相報鷓鴣鳴。病侵老境可憐許。春  
入故園何似生。坐想蘭亭通曲水。行聞上巳接清明。年  
強侵陪嘉集。定奪三觥賦不成。

贈張之才

夙齡垂耳暮飛黃。晚歲相逢兩漫郎。浼我青衫奈塵土。誤  
君白首坐文章。折腰僅馱米五斗。滿腹莫驕錢一囊。多病  
勞生餘有幾。買山築室願隣牆。

登病東歸山陰酬別京都交舊

我家湖水接山溪。載病東歸路不迷。城郭依然遼海鶴。鷗  
鴻邈矣會稽雞。可須印綬懷中出。幸有珠璣袖裏携。行賦  
漁歌寄親串。春風吹渡浙江西。

舟次淮陰呈邑令田望

狂吟醉約昔悠々。衰病方諧散浪遊。蔬粥滿杯供我飽。蘭  
舟繫岸判君留。塵埃古剎尋遺篆。香火巖祠謁故侯。晚具  
不須烹赤鯉。聊憑別後作書郵。

高郵舟居對雪

天涯晚歲客無歡。擁鼻微吟行路難。三楚浮程破綠口。五

陵歸路雪漫漫，兔園授簡心猶壯。剡曲擘舟興久闌，病骨  
支離仍禁酒。漁簑重緝待春寒。

留別王景通二首

早年放樂五雲鄉，遠笑垣東俠少場。憲也但貧猶未病，公  
乎非酒自能狂。塵埃輦路春遊散，燈火僧窓夜話長。後日  
相思枉絨幅，茱萸灣北付漁郎。

遊宦差池太半生，君方倥傯我伶仃。僦官街轉落百僚底，衫  
色渾偷兩鬢青。張濂官曹拋勝日，向平家事汨餘齡。相逢  
一段孟城夢，明發扁舟是浪萍。

舟次廣陵懷寄京都交舊

朋遊冠蓋滿京華，病客東流迹自賒。音驛未聞來日下，隣  
牆不見亦天涯。尚慙斗粟煩官廩，已指扁舟是我家。莫謂  
音風無可寄，雪梅閣遍臘前花。因

廣陵茱萸灣晚泊

冷雲地雪未成花，過埭東風凍著沙。菽蒲渚歸初下雁，楓  
橋市散祇啼鴉。鴉歸南國饒春事，行見東風換物華。北病  
心情亦何有，藥囊詩卷是生涯。

題杜仲觀南康道編後

高吟晚節動江關。自況孤雲豈易攀。賦鵬一篇傳日下。騎  
鯨半復去人間。知音誰復稱流水。招隱吾方擬小山。固有  
清風千古在。不應空伴月明閑。

慶湖遺老詩集卷第八



五言絕句一百二首 右附六言

感興六首

雖雀學翻飛不知毛羽微青鵲笑高樹待爾飽朝飢青  
荷噉雀雖飫飽侮鳶鳥不知皂鵠力擊殺北城狐 皂鵠  
獐嘴爪飛走披肝腦不知遊獵兒必爾講上老 獵兒燕  
楚俗得意唯馳逐不知廟堂上坐飽萬錢肉 廟堂擊鮮  
食日負天下責不知五湖上自有扁舟客 扁舟彼何人  
國霸始謀身不知釣魚翁羞作故人臣

懷寄寇元弼王文舉十一首

樽酒津亭別還城何所投無情是流水斷送南到州  
右初別後

東軒美風月詩酒伴歡呼昨日牆陰過依仁見碧蘆

右過碧蘆軒

小市門南路舊遊聯馬行祇從前日到煠草一番生

右出小市門

南京一登望翔燕正來賓好去長淮北殷勤訪故人

右登飛鴻亭

百步洪頭水秋霖一夜彈相携濯纓處無復履綦痕

右遊百步洪

何處延明月東城百尺樓故人那得見後夜是中煠

右登黃樓

不見西街客歸來即閉門胡床面南客鳥雀啾黃昏

右局中歸

暑雨茅柴熟秋風淮白肥留連阮校尉何日跨驢歸

右招元弼

後夜溪山雪臨門望子猷莫因清興盡半道却回舟

右招文舉

偶得悲秋句還驚鷺社空中庭悲明月朗咏與西風

右賦後詩

馬上重經舊遊六言

淺匕東流宛溪當年罷酒分携認得橋邊楊柳東風幾度  
鴉啼

題惠崇画扇二首

春雪霏匕晚梅抱枝寒雀穩隴下有人腸斷為疑芳信

東來

右題梅花雪雀

寒南秋水陂塘蘆葉瀟匕半黃直北飛來鴻鴈端疑箇是

瀟湘

右題秋水蘆鴈

荅陳傳道五首

客子厭京塵長街風眯目安得卧南陽清潭清寒菊

遊梁復歸宋南北更相送失得兩如何勞匕不知夢

遊宦幾人達不如強健歸未容誇畫錦幾見化緇衣

聞有高秋興清樽醉飛鴻應悲故人遠薄晚面西風

倒囊黃金盡方悲行路難桂薪炊玉粒可是樂長安

擬劉孝勝詠安仁得果

果盡猶招手車停更起塵  
四應持一笑先答近轉人

和王文學玉臺體

南城空目送西館斷心期  
懸知今夜思明灯半下帷

夢後聞蛩

籠燈耿欲滅枕下蛩聲切  
底許事相關煎人腸斷絕

寒宵歎

可怜明月光委曲  
炷空牀自是元無夢更悲今夜長

春晚樓上

楊花吹後盡春色但茫  
獨立西樓上掃情向夕陽

和王文學別館初夏

薰風酣綠樹  
午日思黃鸝的  
羅牕夢西隣  
可得知

和陳傳道秋日十詠

近砌擲鳴籤長簷懸素綆  
濕翅鴉歸高梧落寒井

秋雨

歸雲去悠長風來獵獵  
簷角西長楸斜陽暝黃葉

秋晴

病骨倦空牀  
曳杖閑庭步  
暗燭與寒虫  
迢迢思風露

秋夜

未捲半簾霜猶疑在庭  
月倚樹汲清泉踈風獵華髮

秋曉

霜空出華月樽酒聊相對  
別夜復嬋娟故人千里外

秋月

紛脫柯葉衰斷根蓬  
不待吹揚力隨風亦自東

秋風

宿雨塵霾靜寒原黍稷空臨風聊送目不為送飛鴻殊望

擬從康樂公雙躡登山屐晴夜宿天台披雲看初日秋興

梅梁巢已空去此復何從勿憚歸飛遠冰霜不爾容秋燕

不復怒飛聲朝鷄得擅鳴婆婆猶有地媚灶畢餘生秋蠅

和同行潘生悒悒二首

悒悒復悒悒愁眠成夢泣薄暮落花天高樓面風立

悠悒復悠悒浚寄東風流所思悵何許西北齊雲樓

長安在何許二首

長安在何許疑是青天上矯首遡西風溪雲斷人望

長安在何許疑在白日下徘徊天一隅華月生新夜

懷寄清涼和上人二首

不見江南客願聽江南鍾傾耳度遙夜天寒多北風

試問江南客何時肯度多情是湖水每自石頭來

梅寄和上人

石頭城上客領取一枝梅何事春消息今從江北來

送印智法因僧西上

千里長淮北東風破雪寒此行休問路驀直到長安

懷寄彭城朋好十首



元弼今安健音塵久濶疎早年傾蓋意白首復何如  
右寇三

努力張謀父躬耕老白雲無年儉足用此外奈何君

右張大

子仲安貧者昆陵父罷歸秋風一相憶賴有燕西飛

右劉四

好在張居士雲龍寄夢頻西齋見風月連榻更何人

右張十七

希遠來彭澤聊為三徑資拂衣歸底處命駕定何時

右董大

遠計陳傳道窮秋亦罷官還驅款段馬吟雪向長安

右陳二

不見會之久每思詩酒豪扁舟由甬上乘興可須招

右王十三

字敏超龍級得官何處州他時趨洛下獨與士龍遊

右王七

寇叔情何厚郵筒數得書前春應上塚能訪酒家無

右寇十一

試吏王文舉俄纏風樹哀明年道漉上為爾一徘徊

右王三

和錢德循古意二首

駕犁豈知耕布穀不入田大農坐官府百吏飽窮年  
維漢南有箕垂象列三辰長司簸颺職糠粃居前塵

送王西樞出鎮鄭圃八首

千載君臣會將畝不世功奏收天下福偏厚古扶風  
帷幄叅神算邊塵萬里清西籥聊偃息猶是一長城  
公論由來重高懷此去輕吾非厚知己感歎此蒼生

新書許從厚狡穴盪應空寄語征西將無矜獾犬功

前日神州尹声華掩趙張春風長有待鷄樹是甘棠

來暖西樞席斯民賴已多前春鳳池水四海漲恩波

門闌叟裾客皆自許人豪今日宸廷下誰知北郭騷

袞綉行將復沙堤百里東病夫雖老矣猶解賦幽風

題見陵寓舍二首

池上千條柳依已解占春自怜衰颯鬢不與物爭新

池上雪初消春鴉已占巢自怜流寓迹無地可誅茅

追和止友杜仲觀古黃生曲三首

朝為去山雲暮為還山雨誰謂物無情歡期不如許  
歡歸夜何其月照臨門別後夜待歡來開門但明月  
要知兩儂心等是他山石此誠不可轉彼情無自入

京居感興五首

壯畧可復道磬折營五斗負郭二頃田何時落吾手  
平生感激心炯炯徒自許塵埃五十弦難為齊人拊  
稠人致高位一二難遽數驃騎彼將軍未應賢第五  
樓上塵籠下容身亦自賢橫屍道邊子共笑直如弦  
長言與短調誰為高游藝謾賦芳草篇長安居不易

和幽老郎官湖懷古五首

郎官老辭筆得爾壽春碑姦賊餘靈在斯文是戮屍  
白也遭時網臨年放夜郎何妨去物遠當道橫豺虎  
昔人泯黃壤陳迹變滄波劫火洞然壞無如嘉句何  
杜守王明府吾知天不亢解持餘酒哉一飯逐臣饑  
岑輔何為者當年唱不謗名隨詩石在附驥兩青蠅

江夏八詠

祖龍斲長劍昔道此南巡徒挾雄鋌利湘川奈水神

右磨劍池

孟公泣竹地今是布金園不保五畝宅非無百代孫  
右靈竹寺

高岸已為各斯人如脫蟬固應留寶刻信是當家仙  
右祖貫墓銘

亡一章

右舒元輿榜

亭揭奇章榜斯民孰去思多慙羊叔子涕泗峴山碑

右奇章亭

南津趙陀石云是昔人舟長懷精衛志不礙長江流

右趙陀石

西戌夕陽晴東城石鏡明有山名八字供作兩眉橫

右石鏡亭

應龍昔去此雷雨助騰伸舊穴潛蛟蜃風波橫要津

右龍穴渡

莫把雕檀檝江清如可涉但聞歌竹枝不見戲枇杷

隔岸東西州清川拍岸流但聞竹枝曲不見青翰舟

露濕雲羅碧月澄紅練白但聞竹枝歌不見騎鯨客

北渚芙蓉開褰裳擬屬媒但聞竹枝曲不見莫愁來

西戍長回首高城當夏口但聞竹枝歌不見行吟叟  
南浦下魚筒孤蓬信晚風但聞竹枝曲不見滄浪翁  
勝槩今猶昨層樓棲燕雀但聞歌竹枝不見乘黃鶴  
危 壓江東江山形勝雄但聞竹枝曲不見胡床公  
兼葭被州渚鳧鷖方客與但聞歌竹枝不見題鸚鵡

右變竹枝詞九首

題畫卷後六言二首

蹇駟烏帽禪客落日黃塵故關已悔棄襦首去更逢挈屐  
今還 右路逢僧面

結茅百尺荒臺杖藜一徑莓苔謝絕鷄群老雀不應端為  
琴來 右鳴琴召鶴面

慶湖遺老詩集卷第九

七言絕句六十首

清燕堂

雀聲噴已燕飛已  
在得殘紅一兩枝  
睡思乍來還乍去  
日長披卷下簾時

北園初夏

天氣清和樹蔭濃  
冥濛薄雨濕簾櫳  
萬紅半落生香在  
向晚玫瑰駕上風

秋風登城樓

襲人風露覺秋初  
臨水高樓更雨餘  
天幕鮮明河影淡  
行雲流月雨徐

初見白髮示凶

安能屈指計封侯  
西日東風見白頭  
信是色身非我有  
若論身外更悠悠

局中歸

心火成灰不復然  
故園笑別十三年  
晚涼退食無餘事  
坐與兒曹挽紙鳶

野步

津頭微徑望城斜  
水落孤村格嫩沙  
黃艸菴中踈雨濕  
白頭翁媪坐看瓜

和崔若拙四時田家詞

鼓聲迎客醉還家  
社樹團桑日影斜  
共喜今年春賽好  
纒頭紅有象生花

野蔓牽花過短牆  
麥秋時節併蚕忙  
迎門老父延行客  
井汲清甘樹蔭涼

鷄聲犬吠遠相望  
社酒登槽喚客嘗  
曉日清明陂更濶  
風吹喬麥窰花香

晚雪漫<sub>已</sub>沒鬼置滿杯豆粥餉隣家夜長少婦無春織一  
點青燈伴緝麻

西城馬上

燭冷塵消過上元晴明風日柳初繁偷閑偶到西城陌喜  
見青山似故園

西遊西城

柳條破眼已堪攀鷺下城隅水一灣後日重來寒食近杏  
花林外見青山

東城送客馬上

向午孤烟起客檣一陂春水西鴛鴦漁童解唱滄浪曲應  
笑塵埃馬上郎

魏城東

短<sub>已</sub>宮牆見杏花霏<sub>已</sub>晚雨溫啼鴉欲將今夜思歸夢憑  
仗東風吹到家

成安道中懷寄馮惟逸

蒼面黃鬚過壯時欲投閒去兩難期人生自是無根物南  
北東西任所之

李固道中懷寄杜即鄴



西望叢臺百尺間，車輪無角不知還。丈夫庭下長無訟，誰伴青堂整日閒。

僧居對雨二首

簷雨濺<sub>レ</sub>滴砌沙綠，叢深處一榴花。小窓隱几俄成夢，堪笑無功飯後茶。

平沙四繞護成隄，小雨經旬不作泥。似與幽人慰牢落，一渡黃鳥隔牆啼。

再涉南羅渡

滯水生苔沒馬蹄，漲沙約隱見金隄。禹功寔久人無繼，未

信東流不復西。

金陵客舍望南梁城

黃流漫渙浸城根，烟火依稀日欲昏。禾黍不登非政事，居人猶得飽魚飧。

過澶魏被水民居二首

帶沙剛畝幾經淤，半死黃桑繞故墟。未必鄰封政如虎，自甘十室九為魚。

莫問居人溺與逃，破籬欹屋宿漁舸。中庭老樹秋風後，鸛鶴將雛奪鵲巢。

離冠氏道中

別酒厭<sub>レ</sub>一椽鞍遠林微徑雪迷漫傷心不似來時路柳  
擺東風絮作團

冬夜懷寄周文清郭天輔

壁缸向滅硯生澌仰屋重哦舊卷詩懸想北園閑散後青  
錢堆坐賭宮碁

病告中答王錡見招

伏櫪駑駘伏枕人不應俱是厭京塵東城自有乘肥客白  
苧新裁探候春

樣舟廣津門外作

綵練橋西七日留幾回<sub>レ</sub>首鳳皇樓如何一葉扁舟裏載  
得離人萬斛愁

晚泊會亭

後日符離復捨舟馬蹄塵土入徐州祇應明月曾相識伴  
我時登燕子樓

題承天寺竹軒

征衫初解就僧牀惠我修然一枕涼赤日黃塵畏途裏此  
君風味可能忘

楊柳枝詞二首

方過清明雨後天  
回塘熨影弄蹀躞  
深情擬屬風光主  
愛惜長條待少年

楊柳東風盡日吹  
柔條應自不禁持  
都門三月傷心地  
強半青：贈別離

自衛還徐懋永城王氏園

歸路塵埃嬾著鞭  
北窓仰枕碧雲天  
柴桑此興無人學  
有爾清風七百年

寄傅俾道

忍穿布襪與青鞵  
困乏京塵十二街  
擬仗飛雲寄招隱  
東風吹送落君懷

東平周村驛觀臨川吳公題

頓轡揮毫墨尚新  
碧紗從此碧生塵  
可憐庭下長楊樹  
猶有清陰待路人

九日答張謀父見招

昨夜新霜滿菊叢  
起來何面對西風  
白衣送酒無消息  
賴有西隣張長公

九日謀父席上

浪竹低枝掃隙塵到簾清月欲留人西家一斛黃花酒  
沉醉吳音賀季真

早發斜溝道中答王有元

處處春林有鳥啼恨無芳酒一樽攜何緣渡得彭城夢  
日東風送我西

泊舟永城寄京都朋遊

正西千里是青門橋下春流帶雨渾想見鷺遊芳草合  
有誰樓下與銷魂

將發永城題陳伯儁蒙軒

幾對春風把酒杯小舟臨發更徘徊四明狂客重來日  
庭下榴花開未開

京居暮春感興二首

閑坊稅屋遠人群晨鵲昏鴉亦厭聞無奈春風作多事  
滿庭花絮正紛紛

擾擾奔蹄與疾輪九街尋勝作狂人東風漫送朝來雨  
可奈長安自古塵

春夜對月

麗景門頭初月明清川燈火雨橋橫一舟若許東南去  
何

當西風羽翼生

遊夷門資福佛祠園

百根高樹挂凌霄  
鶻飛來深處  
巢心喜他年有  
歸著白衣居士此誅茅

卯醉口號

丙寅元祐初年冬  
賀光因寓京塵中  
無心炙手權門熱  
曝背晴陽坐屋東

汴下晚歸

隋渠經雪已流冰  
乘興東遊恐未能  
試問何人知夜永  
一

樽相伴小窓燈

陳留道中

強半春風掩戶庭  
出門唯見麥青青  
從來赤白歌桃李  
曾與何人伴醉醒

過曹氏園馬上作

香風細出重牆  
不見繁枝已斷腸  
知有何人卷簾箔  
卧看零落滿斜陽

和人傷春

入簾輕絮故依人  
夢後題詩欲判春  
縱使相思解銷骨  
此

情終未作黃塵

重賦京居暮春感興

怒風狂雨信悠悠  
收拾春華不少留  
祇有柳綿吹未盡  
牆陰落泊伴人愁

送人朝饗裕陵

三年不見鼎湖龍  
弓劍塵埃玉座空  
白髮孤臣心斷絕  
滿山明月柏城風

登興國寺樓

怪槐風動綠鬢鬢  
簷外風聞演梵僧  
悵悵無人共樽酒  
可

憐明月最高層

李氏池上

湖外西風吹雨絲  
半隨楊柳拂連漪  
女郎偷折藕花去  
沙上鴛鴦睡不知

遊莊嚴寺園

石榴花落小池青  
獨下平橋弄扇行  
菽日綠陰無覓處  
不如歸去兩三聲

黃埭魏氏見汪亭

浮生欲寄酒杯間  
馬上誰容一日閑  
不是登高粗能賦  
先

夫真負爾江山

題贈芥堂老僧過來

歲計江邊二頃田不能多應世間緣閉門密竹荒松裏杯  
粥爐香六十年

茅塘馬上

壯圖忽已負當年田羨農兒過我賢水落陂塘秋日薄仰  
眠牛背看青天

阻風小孤山晚晴作

小孤山下晚波恬安墮青鬟玉鏡奩借與彭郎作眉樣西

南初月正尖纖

題漢陽寓舍老桑

曾無沃若飽吳蚕腹蠹聊供啄木饒底事殷懃嗙元緒不  
應有意附尖

秋江晚望

黃蘆洲渚赤楓林口外殘陽疊嶂深記得廣陵城裡市董  
源橫障賣千金

和吳達夫見過留題

雀羅門巷不容車杖屨相過一試茶後日相思會乘興五

雲溪上是儂家

題詩卷後

詩豈窮人窮者工斯言聞諸六一翁端慙少作老更拙不  
廢汝詩吾固窮

慶湖遺老詩集卷第十

古風一首

近體長句五十八首

答僧訥

鄭氏三代第進士訥兩至禮部既壯祝髮

唐代衣冠高四姓天宗之亞榮陽鄭不墜家聲五百年桂  
籍相望三葉慶上人猛謝區中緣破剝投櫛還童顛寸灰  
已滅五經筭來入辯才無碍禪我竊官糧衆人後相逢究  
是平生舊一聞南國白頭吟萬媿西風碧雲陋老鶴終辭  
鷄鷲群誰將斷綆絆浮雲他日傳衣度梅嶺解留何語與  
將軍



登海陵齊雲樓

樓外浮雲何可攀，聊持樽酒共消閑。  
歸心歛起登臨際，春色來從想像間。  
晚雪晞時見芳草，滄波盡處欠青山。  
長安桃李行應好，解咲劉郎底未還。

酬別曾忱

昔年室通嘆人遐，少日相逢別日賒。  
聊寄歸心天北雁，會乘高興斗邊槎。  
雷驚白晝龍蛇起，風蕩青春艸木華。  
誰念渠伊獨憔悴，豈容平世賦懷沙。

送張師常之官南雄

爰居蹭蹬海西頭，紫鳳求皇亦少留。  
持酒一樽明日別，題詩幾處舊年遊。  
春風白芷江南岸，暑雨黃梅嶺上州。  
却望衡陽千里遠，懸知無雁托書郵。

送方安行之官高丞令

平世功名輸阿童，束書洗劍棲漁蓬。  
晚交東武百里長，想見桐廬三拜風。  
白雪興闌吟社遠，綠槐陰合訟庭空。  
他年朱紱指東道，試訪釣鰲浮玉翁。

送汪與京歸山陽

山陽澤國四無山，百雉危城面水關。  
楊柳遙知紫極路，滄

波長義白鷗閒病來藥裏為吾累興盡漁舟送子還風月  
異時何限思區區併入尺書間

紫極宮在郡城西南隅

### 海陵書事

海濱流浪胡為乎况復支離百病餘三月逢梅識春色半  
年無鴈托歸書老鳥啄屋瓦呼鬼野艇橫門米換魚回首  
揚州總百里畫橋風月可憐渠

### 聞鷺有懷故園

海陵春後雨冥冥耳殿蛙鳴鵲齒鳴何意東亭好風日流  
鶯忽作故園聲故園千里長牽夢老病三年不廢情想見

楊花收卷盡綠苔池院落朱櫻

### ○海陵西樓寓目

天涯樽酒昇誰開風外徂春挽不回掃地可憐花更落卷  
簾無奈燕還來王孫莫顧漳濱卧漁父何知楚客才強策  
篙筋還故國浮雲千里思悠悠哉

### 寄興化黃主簿杞

何準第五不足稱黃童無双非自名卑栖鷲鳳安初仕保  
練虎龍希長生明月高吟紫芝曲紅塵先老白雲兄莫辭  
一力走三舍遽未能來頻寄聲

海陵喜雨

閏年四月之相交旱天雲物何蕭騷清風捲地換塵世白  
雨入林翻海濤殊勝農兒踏車健少寬病夫揮扇勞須晴  
徑買一漁艇想見橫塘深半篙

食鮪魚

雨長沙田三尺蘆截江邏釣待嘉魚上鉤一尾誇先得下  
筋千錢急棄餘倦客罷彈腰下缺故人忘寄腹中書知機  
何獨張生翰不俟秋風已起予 鮪魚初得尾值千錢

題海陵萬舍四首

藜藿荒庭微徑通支撐破屋古池東暮涼百燕抵突雨晝  
靜一蟬饕饕風隱几敢希南郭父移文方誚北山空森然  
槐柳相差地他日低徊憶箇中

近濕籬根歌蟋蟀向明屋角網蜘蛛黃葵紫萸雨張王花  
蚊白蟻風驅除轉輾猶憎夏直父支離何堪春病餘預愁  
還作舊年調兩眼京塵懷鏡湖

倒障開窓面曲池塵襟初喜豁然披清風殊不去人遠明  
月端能與我期鼓吹音蛙聊自喜歌謳白鳥漸相欺終  
利害朝昏出閉目忘言是住持

千里家園安在哉  
照栖猶喜占池臺  
酒非從事斷年別  
風是故人彌日來  
黃鳥綿蠻紫椹熟  
白鷗滉灑綠萍開  
頗知老子機心廢  
留得渠伊興盡回

聞蘇省山謫守英州作

嶺首登臨楚粵分  
披襟先喜得南薰  
座隅鵬鳥敢要賦  
溪下鯉魚知畏文  
酒洗黃茅瘴時雨  
嘯驅碧落洞中雲  
高才何假泛山助  
未擬區區咏五君

寄金陵和上人

舊年問米欲東流  
先賦新詩寄石頭  
赤鯉久沉泛上信  
雜

懸誤落海邊州  
想君道眼遙相識  
願我官身可自由  
香火因緣知有在  
艸菴蔬粥不他求

許永席上賦

字子長名十八仙家驥甚美

流浪江湖跨兩年  
西風猶駐木蘭舫  
可人方外二三子  
與爾樽中十八僊  
處士安同公子議  
麴生未減索郎賢  
自憐衰病方羸飲  
也在劉家幕上天

酬別道師許自然

早慕浮雲耻繫匏  
冷然風馭起三茅  
青菁可種無閒地  
黃鶴歸來失舊巢  
石鼎頗傳驚俗句  
醉圖未免取僧嘲  
何須

西望長安笑誰是平生莫逆交

題任氏傳德集

任中立承制既死交親百人賦詩吊其不遇名曰傳德二子黃雍來賦此

釣魚公子學屠龍潦倒西班八品中  
鼠目獐頭登要地雞鳴狗盜策奇功  
儀刑拔士無光祿經術傳家有聖童  
慨想斯人安可作九原松檟幾秋風

送周開祖出守鄱陽

三尺京塵袞々中畧無閒地貯清風  
鱸魚菰菜終年皂蓋朱幡一日東  
俗眼強分青白在芳樽未覺聖賢空  
鄱陽不乏江山助高興都盧屬謝公

贈僧考

字純老曾與同過鍾山泉禪師越八年再由金陵禪師已化去因賦此

昔年杖舄幾相從同過彌天澤上翁  
早恨揚舲南浦別俄驚掃地北山空  
壯心脫落浮雲外病骨支梧夢境中  
賴有西巖舊桃李異時應與共春風

秦淮官柳二首

秦淮兩潮西復東淮邊楊柳酣薰風  
送春白花去漠々避日黃鳥啼匆匆  
陶彭澤多倦宦嘆柏琅玕今衰病翁  
此身會復有健日擬就綠陰橫釣蓬

西來載病一扁舟建業江山負勝遊  
楊柳經眼方自得蒲

帆臨掛復遲留長條似舞前溪曲卷葉宜翻出塞愁想見  
南朝舊人物可憐能個樣風流

和別清涼和上人

明朝解攜白鷺洲後日相望黃鶴樓建業水清供白酌武  
昌漁賤足音郵著身物外不無處俛首人群非有求願報  
西菴落成會待公退卧僮歸休

重別

分手風波路幾千侵尋老境百痾纏一官得飽亦先笑大  
士忘情獨泫然北道音塵長斷望西菴香火不無緣是身

脫使先朝露晞像聊依十七賢

留別彥上人

道人臨別重留連應念吾生泪世緣柱笏看山猶故態量  
舡載酒異常年興來不計遠千里休去何須持一錢會作  
清涼老菴主西盃分粥對床眠

留別王闍叟

婆娑晚境未知還邂逅故人增厚顏次道志包宇宙外子  
年身寄江湖間一乘妙義想冰釋九死餘生非石頑敢負  
清涼阿師約西菴先辦十年閑

烈洲守風

張帆早發石頭城。淹泊風波百里程。白芷汀洲潮進退。黃梅村落晝陰晴。官糧牽迫少休日。藥物扶持多半生。深閉艖扉謝漁老。自慙塵垢滿襟纓。

晚泊三山懷古

三山春水拍江流。六代餘風掃地收。破國龍驤渡安在。賦詩宣城難與酬。傷心遠宦北宗老。滿眼舊遊南豫州。寄聲好住數君子。一別相忘風馬牛。

晚泊東采石磯

謝衛將軍憐苦吟。表臨汝郎遭賞音。風流人物豈如昨。形勝江關留與今。控鯉直思凌浩渺。然犀何假炤幽深。莫招捉月翰林老。屈曲塵間猶陸沉。

檣舟姑熟溪

潮來姑熟半篙深。帆落溪口檣如林。謝氏青山失故井。柏郎白苧無遺音。良遊躡屐負登覽。衰病伏枕方呻吟。箇中二頃了吾事。恬悵十年懷此心。

蕪湖王敦城下作

斗立孤城日四圍。賊奴曾未攝天威。風生席帳豺声厲。塵

犯龍顏魚服歸首揭大航遺臭在歌流梁府舊音非當時  
不慕柏文舉草滿中原胡馬肥

○ 題皖山北瀕汪田舍

汪轉皖公山北流蕭閒人物美田疇一溪春水百家秋  
頃夏秧千石收小市竹樓張酒旆平橋松島蔭漁舟莫知  
農老何為者幾葉傳封樂國侯

晚泊小孤山作

江勢東南陔折回兩山屹立地維開顛風裂石轟雷下駭  
浪澎湃卷雪來捫虱王孫初睥睨飽魚烏鬼但羸羸物情

豈識忘形樂嘯倚檣干獨快哉

得周元翁蘄春道中作

離上粵赤墻東林開廳下榻依墻陰杖藜相顧賴之子隱  
几忘言知我心晚契初逢一東野清詩屢擲双南金官身  
為米自南北世路比羊無古今夢澤州荒孤驛遠洞庭雨  
入滄江深相思何以祝高韵桂樹秋風吟玉琴

送漢陽刑獄掾鄭永年解官歸養

高歌每憶故山薇笑擲青衫換綠衣竟為蒼生安石起本  
來男子次君歸脫冠弭櫂興非淺戴笠乘車誓莫違明日



渡江聊贈別武昌官柳尚依

登頭陀寺峯頂菴

磴道凌虛挂白虹頭陀上方黃鶴東滄溟五夜浴新日光  
木三伏來淒風北夢南雲展張潤縱江橫藻并吞雄楚鄉  
絕境比其一竹與微吟多病翁

九日寄維揚劉明仲

揚舲瓜步背瓜洲底處孤亭是玉鈎蠟燭有心啼別夜布  
帆無恙挂南州黃華嘉節與何事白髮故人分取愁賴有  
滄江知客恨長年西望北京流

江夏秋懷三首

陳物紛然眼界中長年何與偶書空滄浪難為俗子唱絳  
緯漫催貧女工風月少容休吏役烟波長與濟途窮功成  
身退非吾事猶辦扁舟東復東

人物駸尋迫暮遲秋風萬里來如期函蟲切也竟何道羈  
燕怨將安之洛下微吟聊擁鼻西山爽氣為支頤肯將  
翰墨悲流落寄語三閭彼一時

此身豈復繫西東流浪江湖伴塞鴻曲突非畜三爵客直  
鉤何羨六鰲翁千年陳迹祇今日萬里故園猶箇中兄散

偶逃人指數未應吟嘯坐妨公

書國志陳登事後

求田問舍良可嘉元龍偶未之思邪黃鼠長為大倉耗白  
雲猶有青山家人生歛爾待今日世故紛然勞筭沙銷磨  
碑由亦何事竟作子陽同井蛙

寄別秦觀少游

沔陽湖上小留連疑是前時李謫僊流向夜郎總半道徑  
還江夏樂當年箇儂生以才為累阿堵官于老有緣待得  
公歸吾亦罷春風先辦兩漁舡

潘幽老出十數詩皆有懷蘇儋州者因賦二首

人烟寂絕鬼門關更指儋州香芥間三四月知天漏雨東  
南地盡水深山依迷春艸錫原失響像林風鶴馭還回羨  
河陽賢父子雪堂曾伴十年閑

舊隱沔城東復東堂前楊柳竹春風猶傳白雪興中曲穢  
失黃糧夢後翁僂耳吉音無鴈使蛾眉者爽氣屬沮公不應  
更廣窮愁志悟取平生坐底窮

有僧自峽中來持黃點州手製茶兼能道其動靜與

潘幽老賦二首

豫章人粟白金十餘斤以寄魯直付  
一士子竟隱之故有黃犬之句

未聞東觀奏書成，俄見西南萬里行。  
從坐何關李都尉，補亡猶待褚先生。  
心懸黃犬沈來耗，耳慣青駒祗舊鳴。  
時節私庭羞自慙，鳳將雛去鴈隨兄。  
平生得祿僅榮親，持底天涯料理貧。  
夜戶不關無長物，晨炊待火乞諸隣。  
山獠頗狎能來甯，冰弩何知枉中人。  
少減家園舊年調，攜籠先采兩前春。

中秋日懷寄潘老

西戍角聲清且哀，東城鼓動殷然雷。  
兩闌伏檻月可待，風橫橫棹舟君不來。  
得酒未容歡獨伯，把書端與睡為媒。  
雪堂

歛衽急還舍，更約頭陀黃菊開。

重寄

以潘卷云侍家燕甚歡故賦此

輕舸暮水帆如弓，一伸臂頃來江東。  
聊持美酒致吾子，方事綵衣娛汝翁。  
懸榻可容他客坐，門闔正與無月同。  
夙興行樂竟何有，醒醉陰晴皆夢中。

幽老以長篇求假吾書以副本送之

元凱有言君盍知，借書還書皆可嗤。  
家傳五載亦勤矣，吾與函雖當共之。  
吏役豈容方外駕，古人端在箇中期。  
聊分副本天隨子，輯綴來歸是一奇。

示王泌 歷陽舊好別八年會于鄴渚

遠離南北幾星霜短髮蕭蕭帶尺長  
執戟卽効官落拓楚丘生觸緒悲涼  
双鳧乘鴈誰比數拉虎批熊猶健強  
猶恨養病妨廢酒樽前都屬箇儂狂

答致仕吳朝請潛登黃鶴樓見招兼示慎獻玉

城隅黃鶴莫登臨端使悲翁動楚吟  
日下長安人共遠天園夢澤歲方陰  
北風欲雪鴈飛急南浦始冰魚伏深  
誰似艸堂安隱客下帷隱几不求心

雪後同吳達夫慎獻玉登黃雀樓

巖律崢嶸臘盡頭風吹朔雪到南州  
三湖簸蕩鯨鼉恐七澤迷漫狐兔愁  
狂客定回青雀舫獵兒初試皂貂裘  
江樓伏檻迎新霽群玉峯前練帶流

曹永州哀詞

名暉字季明昔相過于永城喪過武昌歸餘杭卜葬吳隱山諸子求吾詩回賦此

光眼春風雨淚傾總惟樽俎異平生  
可驚人與琴俱遠但見着睇酒復清  
相合水邊傳美政飛來峯下啓佳城  
翻已五六奇男子肯使高門墜厥聲

登黃鶴樓寄幽菴昆仲

弟大現字仲達

漢大將軍楚國材半生倦韻晚塵埃  
徐夫人七首安在丁

令威華康歸來紫府無蹤勞彷彿白雲有待父裴徊樓標  
空潤天垠露川勢縱橫地軸開隴鳥賦成州共永越人歌  
斷擢先回會招物外二三子長嘯披襟挹快哉

寄武昌方令臨李尉援兼寄黃岡二潘

方字孝能  
李字文學

好在桐江三拜翁謫僊之裔好應同如聞危嶽西郎子興  
發能來一水東共醉南樓故時月斷無更令浼人風季真  
先病不堪酒滓畔微吟懷四儂

二月二日席上賦

時推官陳扶之官荆南法曹萬進  
彦亨罷官歸鄱陽

仲宣何遽向荊州謝惠連須更少留二日舊傳桃李節一

樽聊解負薪憂向人州樹有佳色帶郭江山皆勝遊載酒  
賦詩從此始他蒼年老話風流

送何安中之官新安錄事

見遺藁

帶郭江山百匝牢躋攀榮見病後孫官糧可數總雞肋吏  
事懸知倍馬曹芸閣有書行且召萱堂須養未容高慶湖  
老子何堪別隱几僧坊更寂寥

送時適歸彭城并寄王會之張白雲

見遺藁

壯年客宦樂徐州五見黃華戲馬過無復登山拋舊屐不  
堪臨水送歸舟東坡公子猶三徑南邊先生父一丘為話

吳門非樂土鱸魚菘黍漫海

送方明古西上山陰 見遺藁

西上遲遲誰挽留了君方寸慕松楸三年既盡亦當起五  
斗有餘非所求早歲向風勞企義殘生指日願依投得官  
倘近柴桑里應許江邊著釣舟

錢塘海潮 遺藁

高岸如陵累石頑一支漲海橫中間九軍雷鼓振玉壘萬  
里墨雲驅雪山秦政維舟羞胆怯史遷紙筆恨才慳錢郎  
幾許英雄氣強弩三千擬射還

七言絕句二十首

斗峴山馬上

西來投策倦躋攀晚葉寒華一徑間盡日閑雲不留雨斜  
陽還始隔江山

登如方山

楚郊十月尚聞蟬傍道黃華亦可憐特上西山最高處長  
安應在夕陽邊

渡泠水澗投宿萬歲嶺

蕭蕭黃葉一清溝白鳥飛來故少留今夜行人短亭宿小

道光己亥初秋得于金陵攷肆修綆山房

